

山谷詩注

內集  
別集  
外集

九



青 州 省 山 東 省  
中 文 書 館



山 谷 詩 注

內 集 外 集 別 集  
(九)

J  
17.8

142251

黃 庭 堅 撰

山谷詩外集補目錄

卷一

流水 三章章四句。歸  
甯元年赴襄縣作。

虎號南山 二章章八句。  
一章十句。

采菊 三章章  
八句。

新涼示同學 治平三  
年作。

宿山家效孟浩然 元豐六年  
太和作。

病懶 治平四  
年作。

宿靈湯文室 元祐八年丁  
母喪居家作。

戲贈諸友

時諷下 治平三年作

午寢

戊申作。方綱按。熙寧元年戊申。先生年二十四。不應云二十二年非也。此蓋題下戊申有誤。子耕譜中元未的指在何年也。

題徐氏姑壽安君壽梅亭

元豐六年 赴德平作

次韻叔父臺源歌

治平三年作

息暑巖

博山臺

潯陽江口阻風三日

元豐三年改 官太和作

過百里大夫冢

熙寧四年葉縣作。冢在 南陽縣界。公往鄧州經此。

蒲城道中寄懷伯氏

舟子

井序。熙寧 四平葉縣作

思賢 井序。

漫尉 井序。 熙甯三年葉縣作。

按田 井序。 熙甯四年葉縣作。

送蘇太祝歸石城

寄季張

贈陳公益 井序。

將歸葉先寄明復季常 熙甯三年葉縣作。

送張仲謀

擬君子法天運 熙甯四年葉縣作。

傷歌行四首

行行重行行贈別李之儀  
元豐三年改官太和中作  
端叔名之儀寓居蕪湖。

春思  
熙寧四年  
葉縣作

戲答公益春思二首

衆人觀俳優

次韻任公漸感梅花十五韻

題王晦之見寄

寄懷藍六在延平  
崇寧二年  
赴宜州作

送焦浚明  
熙寧四年  
葉縣作

新寨餞南歸客

曉起臨汝

答閻求仁

送陳季常歸洛

雨晴過石塘留宿贈大中供奉

次韻答薛樂道

戲贈陳季張

寄別陳氏妹

戲贈王晦之

觀崇德臺竹歌

井序

送陳蕭縣

致政王殿丞逍遙亭

送何君庸上賴石

醉中作 時元豐五年君庸太和簿

寄懷趙正夫奉議

元豐八年 德平作

四月丁卯對雨寄趙正夫 方綱按一本無此題而前題云二首

卷二

賦陳季常北軒杏花 得酒字 熙寧四年葉縣作

送蒲元禮南歸 熙寧四年葉縣作

卽席

贈李彥深 元豐元年北京作我原字彥深厚之弟居南陽

再和答張仲謀陳純益兄弟

飲城南卽事 元豐二年北京作

宣九家賦雪 元豐八年秘書省作 宣九謂宗室宣州院第九家者

和舍弟中秋月 元豐二年北京作 方綱按元豐二年先生年三十五此首句與題注不合必有一訛蓋注誤也



和世弼中秋月詠懷

熙寧八年  
北京作

次韻答常甫世弼二君不利秋官鬱鬱初不平故予詩多及君子處得失事

熙寧八年  
北京作

送魏君俞知宿遷

秋懷二首

熙寧八年  
北京作

和李文伯暑時五首

文伯字去華公之壻李堯德素之子雖  
納壻在後而公與龍眠李氏爲素交

送錢一杲卿

杲卿乃穆父內翰長子黃師是之妹夫時  
師是爲河北漕錢時在外舍師是名實

觀道二篇

送朱貺中允宰宋城

元豐元年北京作  
宋城屬南京

送醉父歸蔡

熙寧三年  
葉縣作

次韻七兄青陽驛西阻水見寄

元豐元年  
北京作

酌別世弼

熙寧八年  
北京作

庭誨惠鉅硯

熙寧八年  
北京作

叔誨宿邀湖上之遊以故不果往

次韻子真會靈源廟下池亭

元豐元年  
北京作

幾復讀莊子戲贈

治平三  
年作

次韻坦夫見惠長句

熙寧二年  
襄縣作

奉和慎思寺丞太康傅舍相逢并寄扶溝程太丞尉氏孫著作二十韻

元豐元年  
北京作

次韻晉之五丈賞壓沙寺梨花

元豐元年  
北京作

答王道濟寺丞觀許道甯山水圖

元祐二年  
諫書省作

觀王熙叔唐本草書歌

擬古雜言

元豐元年  
北京作

古豪俠行贈魏鄰幾

元豐元年  
北京作

拘士笑大方

擬古樂府長相思寄黃幾復

治年三  
年作

古樂府白紵四時歌

韓信

治平三年元注  
為黃幾復作

淮陰侯

精華無此題而前  
題下云韓信二首

顏闔

治年三  
平作

贈希孝

熙寧元年  
葉縣作

山谷詩外集補

目錄

侯元功問講學之意 治平三年作元功名蒙政和六年為中書侍郎

戲贈張叔甫 集句 熙寧元年葉縣作

以右軍書數種贈邱十四 元豐三年太和作

李君貺借示其祖西臺學士草聖并書帖一編二軸以詩還之

三至堂 元豐三年太和作

玉照泉 玉照泉與瀟山之玉照峯相直舅氏李公擇始坎石采而名之

延壽寺僧小軒極蕭灑予為名曰林樂取莊生所謂林樂而無形者并為賦詩 元豐六年太和作

吉老許惠李北海石室碑以詩及之 元豐六年太和作

吉老兩和示戲答

題羅山人覽輝樓 元豐八年德平作

古風寄周元翁 三言 元豐六年太和作

西禪聽戴道士彈琴 熙寧八年 北京作

題安石榴雙葉 元豐五年 太和作

絕句 元豐五年 太和作

題虔州東禪圓照師新作御書閣 元豐四年 太和作

送權羣孫承議歸宜春 元豐五年 太和作

戲題

戊午夜宿寶石寺視寶石戲題

戲題承天寺法堂前柏 元豐四年 太和作

陳吉老縣丞同知命弟游青原謁思禪師予以簿領不得往二公雨久不歸戲作百家衣一首二十



招隱寄李元中

元豐四年太和作元中名沖元

送晁道夫叔姪

元豐五年時公到太和已二載

戲贈潘供奉

熙寧四年葉縣作

次韻惜范生

和冕仲觀試進士

元祐二年秘書省作

卷三

漁父二首

熙寧元年葉縣作

古漁父

題楊道人默軒

崇寧二年戎川作

用幾復韻題伯氏思堂

治平三年作

贈別幾復

趙令許載酒見過 熙寧元年  
葉縣作

和答趙令同前韻

趙令答詩約攜山妓見訪

謝趙令載酒 熙寧元年  
葉縣作

次韻賞梅

次韻答李端叔 元豐三年  
太和作

春近四絕句 熙寧二年  
葉縣作

戲題葆真閣 熙寧元年  
葉縣作

戲贈惠南禪師 惠南即江西老禪。號穉  
翠菴清隱亦在分甯



寄新茶與南禪師 熙寧元年  
葉縣作

讀晉史 熙寧元年  
葉縣作

讀書呈幾復二首 治平三年  
年作

阻水戲呈幾復二首

寄別說道 熙寧三年  
葉縣作

學許氏說文贈諸弟 治平四年  
北京作

李大夫招飲 元祐三年  
祕書省作

南康席上贈劉李二君 元豐三年改  
官太和作

問漁父 熙寧元年  
葉縣作

山谷詩外集補 目錄

光山道中

治平四年  
赴葉縣作

過方城尋七叔祖舊題

元豐元年北京作。祖諱注，字  
夢升，終南陽主簿。方城屬唐州。

早行

熙寧元年  
赴葉縣作

新息渡淮

治平四年，公是歲得官葉縣。新息  
屬蔡州。渡淮乃自京回江南之路。

初望淮山

宿廣惠寺

元豐七年  
赴德平作

初至葉縣

熙寧元  
年作

觀化十五首

并序。熙寧元年罷太  
平州，後自荊州居家作。

和答王世敬

熙寧八年  
北京作

朱道人下世 元豐六年  
太和作

陳氏園詠竹 熙寧四年  
葉縣作

和裴仲謀雨中自石塘歸 熙寧  
二年

次韻裴尉過馬鞍山

題蘇才翁草書壁後 并  
序

哀逝 熙寧三年  
葉縣作

迎醇甫夫婦 公之妹適陳壘  
醇甫其字也

河舟晚飲呈陳說道

次韻任君官舍秋雨

題樊侯廟二首

山谷詩外集補 目錄

題南寺王髯題名處

熙甯三年  
葉縣作

和答任仲微贈別

元豐五年  
太和作

和仲謀夜中有感

熙甯二年  
葉縣作

睡起二首

熙甯三年葉縣作。時  
蒲城伏盜郡以校見督

書睢陽事後

熙甯四年  
葉縣作

漫書呈仲謀

熙甯二年  
葉縣作

登南禪寺懷裴仲謀

次韻答任仲微

元豐五年  
太和作

夏日夢伯兄寄江南

熙甯四年  
葉縣作

同孫不愚過昆陽

昆陽正屬葉縣，即光武破王莽之地。

寄頓二主簿時在縣界首部夫鑿石塘河

次韻答蒲元禮病起

春祀分得葉公廟雙鳧觀

廟觀皆在葉縣。

戲招飲客解醒

熙寧四年葉縣作。

送陳氏女弟至石塘河

戲贈頓二主簿

不置酒。

孫不愚引開元故事請為移春檻因而贈答

陳說道約日送菜把

熙寧三年葉縣作。

答和孔常父見寄

次韻伯氏謝安石塘蓮花酒

題雙鳧觀

從陳季張求竹竿引水入廚

呈王明復陳季張

曉從任大夫祖行過石橋寄粹甫

熙寧四年  
葉縣作

飲南禪梅下戲題

熙寧二年  
葉縣作

次韻邵之才將流民過懸帛嶺均田

熙寧四年  
葉縣作

陳季張有蜀芙蓉長飲客至開輒剪去作詩戲之

再贈陳季張拒霜花二首

送杜子卿歸西淮

雪中連日行役戲書簡同僚

離汝寄張子

熙寧四年  
葉縣作

次韻元禮春懷十首

再和元禮春懷十首

并序

次韻奉和仲謨夜話唐史

熙甯四年  
葉縣作

書舞陽西寺舊題處

并序 熙甯四年  
二年葉縣作

飲李氏園三首

元豐元年  
北京作

宿黃山

熙甯四年  
葉縣作

題季張竹林村

次韻答邵之才

呈李卿

六月閔雨

熙甯七年  
北京作

山谷詩外集補

目錄

既作閔雨詩是夕遂澍雨夜中喜不能寐起作喜雨詩

公益嘗茶 元豐元年  
北京作

予既不得葉遂過洛濱醉遊累日 熙寧四年  
葉縣作

雜詩 元豐二年  
北京作

曹村道中 元豐二年  
北京作

漫書呈幾復三首 治平三年  
相作

留幾復飲 治平三年  
年作

再留幾復

謝陳正字送荔枝三首 元豐四年  
太和作



答龍門潘秀才見寄 熙寧四年  
葉縣作

寄張仲謀次韻

客自潭府來稱明因寺僧作靜照堂求予作

雜詩七首 熙寧四年  
葉縣作

飲韓三家醉後始知夜雨

張仲謨許送河鯉未至戲督以詩

和答張仲謨泛舟之詩

食瓜有感

道中寄公壽 熙寧五年自  
葉赴北京作

行邁雜篇六首

去賢齋 熙寧四年  
葉縣作

山谷詩外集補

目錄

粹老家隔簾聽琵琶

元豐二年  
北京作

江南

元豐元年  
北京作

道中寄景珍兼簡庾元鎮

熙寧五年  
北京作

次韻景珍餘醪

皇馬粹老范德孺

元豐二年  
北京作

謝張仲謀端午送巧作

熙寧四年  
葉縣作

送張子列茶

三月壬申同堯民希孝觀淨名寺經藏得宏明集中沈炯同庾肩吾諸人游明慶寺詩次韻奉呈二

公

就烏道三層塔。卷同一重堂。馴鳥逐猷碧。狎獸繞禪床。摘菊山無  
酒然松夜有香。幸得聞高勝。於此憲□王。元豐二年北京作。

雨過至城西蘇家

元祐元年  
秘書省作

謝仲謀示新詩

熙甯四年  
葉縣作

十月十五早飯清都觀逍遙堂

紅蕉洞獨宿

熙甯三年  
葉縣作

春雪呈張仲謀

熙甯四年  
葉縣作

和答劉太博攜家游廬山見寄

元豐三年赴  
太和中作

次韻伯氏戲贈韓正翁菊花開時家有美酒

熙甯四年  
葉縣作

答李康文

元豐二年  
北京作

送彭南陽

送鄧慎思歸長沙

熙甯四年  
葉縣作

從時中乞蒲團

元豐五年  
太和作

戲答諸君追和予去年醉碧桃

雪後登南禪茅亭簡張仲謀二首 熙寧四年 樂縣作

景珍太博見示舊倡和蒲萄詩因而次韻 熙寧五年北京 作景珍名令斌

喜念四念八至京 元豐八年都下改官作念四即非 熊念八諱仲塢字覺民公從弟

次韻伯氏寄贈蓋郎中喜學老杜詩 元豐二年 北京作

蓋郎中惠詩有二強攻一老不戰而勝之嘲次韻解之

和呂祕丞 元豐二年 北京作

雜詩四首 元豐二年 北京作

次韻子高卽事 熙寧八年 北京作

次韻寄藍六在廣陵 崇寧二年自 鄂赴宜州作

再和寄藍六

戲書效樂天

熙寧四年  
葉縣作

余成詩

井序。熙寧  
四年葉縣作

寄張仲謀

熙寧四年  
葉縣作

次韻春游別說道二首

熙寧三年  
葉縣作

講武臺南有感

元豐二年  
北京作

孫不愚索飲九日

二字一  
作有

酒已盡戲答一篇

熙寧四年  
葉縣作

辱粹道兄弟寄書久不作報以長句謝不敏

和知命招晁道夫叔姪

元豐五年  
太和作

再次韻戲贈道夫

秋思

希仲招飲李都尉北園

元豐二年  
葉縣作

過西山

夜聞鄰舟崔家兒歌

重答

鴻溝

此詩止子產廟乃和李秀才四絕  
句山谷晚年獨取楊朴墓一首

裴晉公書堂

子產廟

見二十弟倡和花字漫興五首

九日對菊有懷粹老在河上四首

後二首為  
晉女奴作

贈謝敏王博喻

元豐二年  
北京作

和答郭監簿詠雪

元豐元年  
北京作

直舍寄陳子惠

和庭誨雨後

熙寧八年  
北京作

和庭誨苦雨不生

次韻庭誨按秋課出城

大風

熙寧八年  
北京作

題司門李文園亭

熙寧八年  
北京作

次韻和臺源諸篇九首

治平三年作

南屏山

七臺峯

七臺溪

山谷詩外集補

目錄

疊屏巖

靈壽臺

仙橋洞

靈椿臺

雲濤石

濤一作溪

羣玉峯

寄題瑩中野軒

元豐六年太和作瑩中係陳瑒

觀叔祖少卿弈棋

治平二年作少卿諱瀄字元之官太常少卿

窗日

元祐八年丁母艱家居作

次韻郭明叔登縣樓見思長句

元豐六年赴德平作



銅官僧舍得尙書郎趙宗閱墨竹一枝筆勢妙天下爲作小詩二首  
元豐三年改官  
太和經途作

曉出祥符趨府  
熙寧八年  
北京作

夜觀蜀志  
熙寧八年  
北京作

戲答龍泉余尉問禪二小詩  
元豐元年太和作  
龍泉太和郡邑

戲贈元翁  
元豐六年  
太和作

行役縣西喜雨寄任公漸大夫  
熙寧四年  
葉縣作

戲題水牯菴  
元豐五年  
太和作

癸亥立春日袁茗於石池寺見庚戌中盛二十舅中叔爲縣時題名歎此寺不日而成哀縣學弊而

不能復  
元豐六年  
太和作

招戴道士彈琴

熙寧八年  
北京作

延壽寺見紅藥小魏揚州號為醉西施

元豐六年  
太和作

臨江寺僧以金線猿皮蒙棊几

元豐四年  
太和作

送君庸

元豐六年  
太和作

北園步折梅寄君庸

一夕風雨花藥都盡唯有豨蕪一叢濯濯得意戲題

元豐六年  
太和作

漫興

元豐六年  
太和作

寄劉泗州

元豐七年  
鎮平作

次韻答任仲微

元豐五年  
太和作

何主簿蕭齋郎贈詩思家戲和答之

次韻和魏主簿

元豐五年  
太和作

南安試院無酒飲周道輔自贛上攜一榼時時對酌惟恐盡試畢僕夫言尙有餘樽木芙蓉盛開戲

呈道輔


元豐四年  
太和作

贈清隱持正禪師

熙寧元年  
葉縣作

次韻公擇雨後

元豐三年改官  
太和道中作



山谷詩外集補卷第一

流水 三章章四句 熙寧元年赴葉縣作

一溪之水可涉而航。人不我直。我猶力行。一溪之水不杠而涉。濡首中流。汝嗟何及。湯湯流水。可以休兮。嗟行之人。則濯足兮。

虎號南山 二章章八句 一章十句

虎號南山民怨吏也

虎號南山。北風雨雪。百夫莫為。其下流血。相彼暴政。幾何不虎。父子相戒。是將食汝。伊彼大吏。易我鱓寡。矧彼小吏。取桎梏以舞。念昔先民。求民之瘼。今其病之。言置於壑。出民于水。惟夏伯禹。今俾我民。是墊平土。豈弟君子。伊我父母。不念赤子。今我何怙。嗚呼旻天。如此罪何苦。

采菊 三章章八句

采菊傷君子也。君子將有為。獨立而無仗助。是故傷之。

南山有菊。子采其英。誰從汝往。視我惇惇。伊時之人。誰適與比。不與我謀。不知其已。薄言采之。遵彼山曲。汝來遲遲。去我何速。伊時之人。誰適與同。不與我好。殆其觀凶。江漢滔滔。有楫有杭。誰以濟此。中流且風。嗟爾君子。時處時默。微雲反覆。無傷爾足。

新涼示同學

治平三年作

西風先自無消息。忽上青林報秋色。天高月明露泥泥。團扇已從蛛網織。蛩螿何苦不自聊。入我夜牀鳴唧唧。似言冰雪催授衣。今者不樂君髮白。春深花落病在牀。永夏過眼等虛擲。卷簾昨莫得新涼。空堂呼燈照几席。豈無熟書試一讀。欲似平生不相識。今日明日相尋來。百年青天過鳥翼。夜闌歎息仰屋梁。廢棄寢膳思無益。吾徒奈何縱嫚游。君不見禹重寸陰輕尺璧。

宿山家效孟浩然

元豐六年  
大和作

秋陽沈山西。委照藩落下。霧連雲氣平。濛濛翳中野。空村晚無人。一二小蝸舍。老翁止客宿。喬木廢我馬。松爐依稀煙。檣竹照清夜。幽泉抱除鳴。生涯渺瀟灑。翁家炊黃粱。殺雞延食罷。問余所從誰。庸詎學邱也。投身解世紛。恥問老農稼。予生久遭回。百累未一謝。斑斑吾親髮。弟妹逼婚嫁。無以供甘旨。何緣敢閑暇。安得釋此懸。相從老桑柘。

病懶

治平四年作

病懶不喜出。收身臥書林。縱觀百家語。

一作

浩渺半古今。空蒙象外意。高大且闕深。閒有居覆盆。豈能透

照臨。一馬統萬物。八遠見真心。適知善琴瑟。先欲絕絃尋。

宿靈湯文室

元祐六年丁母喪居家作

臨池濯吾足。汲水濯吾纓。塵埃一謝去。神與體俱清。月明漸映

一作

簷東出。置枕東床夜。蕭瑟更無俗物

敗人意。唯有清風入吾室。

戲贈諸友

時詔下。治平二年作

驚駘無長塗。一月始千里。驂駟嘶清風。祇在一日耳。詩酒廢書史。諸友勿自疑。甯爲駘懶。當效驂駟嘶。疏水必有源。析薪必有理。不須明小辨。所貴論大體。生死命有制。富貴天取裁。儻能領真意。何有於我哉。討論銷白日。聖知在黃卷。自此宜數來。作詩情繡絳。

午寢

戊申作。方綱按臨寧元年戊申。先生年二十四。不應云二十二年。辨也。此蓋題下戊申有誤。子耕譜中元未的指在何年也。

讀書常厭煩。燕處意坐馳。動靜兩不適。塵勞敗天倪。目昏生黦花。耳聾喧鼓鞀。沈憂愁五神。倦劇委四支。不聊終日堪。況乃久遠期。投書曲肱臥。天游從所之。是身入華胥。髣髴勝初時。春蠶眠巨箔。夏蜩化枯枝。今之隱几者。豈有異子綦。覺寐須臾間。良亦休我疲。迺知大覺夢。蓋此德之歸。誰爲今日是。二十二年非。

題徐氏姑壽安君壽梅亭

元豐六年  
赴德平作

大鵷銜枚來作亭。小鵷銜實來種花。兩鵷反哺聲查查。茲烏髮白爾成家。梅梁丹清射寒日。梅英飛雪點親髮。二鵷同味如春酒。壽親一笑宜長久。金玉滿堂空爾爲。有親舉酒世上稀。生育劬勞安可報。折梅傾酒著斑衣。

次韻叔父臺源歌

治平三年作

吾家叔度天與閑。晚喜著書如漆園。臺平舊基水發源。但聞淙淙下林巒。一朝斬木見萬象。吞若雲夢胸中寬。漱滌泥沙出山骨。混沌鑿竅物狀完。茶甘酒美汲雙井。魚肥稻香派百泉。暑風披襟著茵菑。夜月洗耳聽潺湲。時從甥姪置樽俎。此地端正朝諸山。除書謗書兩不到。紫煙白雲深鎖關。鄉人訟爭請來決。到門懷慚相與還。呼兒理琴蕩俗氣。果在巢由季孟間。

息暑巖

水墨古畫山石屏。雷起龍蛇枯木藤。石囊嵌空自宮室。六月卷簾來曲肱。松風琴瑟心可寫。水寒瓜李嚼



水墨古畫山石屏。雷起龍蛇枯木藤。石囊嵌空自宮室。六月卷簾來曲肱。松風琴瑟心可寫。水寒瓜李嚼明冰。卻登夏畦視耘耔。烘顏炙背棲蒼蠅。聞道九衢塵作霧。烏靴席帽如饋蒸。歸嘗玉粒不敢飽。高車駟馬何能乘。

博山臺

宮亭只說香爐峯。此地今見博山臺。紫煙孤起麗朝日。定是海山飛得來。化工造物能神奇。不必驚世出蓬萊。千年隱淪被昭洗。博山我勸爾一杯。先生髮白足力強。遙思秋風醉幾回。童兒數修掃洒職。莫使石面霑塵埃。

潯陽江口阻風三日

元豐三年改官太和中作

枯桑最知天風高。旅人更覺時序迫。去年解官出北門。猶纜江船依賈客。狙公七芋富貴天。喜四怒三俱可憐。湖口縣前教戰鼓。聲到潯陽渡頭船。

過百里大夫冢

熙寧四年樂縣作冢在南陽縣界公往鄂州經此

行客抱憂端。一作客行 感時節。 況復思古人。何年一邱土。不見石麒麟。斷碑略可讀。大夫身霸秦。虞公納垂棘。將軍

西問津。安知五羊皮。自粥千金身。末俗工煤藥。浮言妬道真。幸逢孟軻賞。不愧微子魂。

按呂氏童蒙訓云。或稱魯直。桃李春風一杯酒。江湖夜雨十年燈。以爲極至。魯直自以此猶吻合。須石吾甚愛之。勿使牛羸角。牛羸角尙可。牛羸殘我竹。此乃可言至耳。然如百里大夫。家與快閣詩。已自見成就處也。

蒲城道中寄懷伯氏

北征無百里。日力不暇給。山重鳥影盡。露下月華濕。寒憶共被眠。屢成回馬立。豈如同巢鳥。莫夜得安集。

舟子

井序。熙寧四年葉縣作。

予自大梁過汝。求荷擔者。有州子來應。傭行二日。釋負謝去。曰。吾雅善操舟。甚不樂荷負之役。賴肩而汗垢。豈所久堪。歸且返故吾矣。因遣之而作詩。

黃須客子居水濱。水行水宿忘冬春。莽渺三江五湖外。短船無地不知津。弓彎夜月射鳴雁。絃繫曉風歌采蕢。時望青旗沽白酒。醉煮白魚羹紫蓴。平生未識州縣路。鷗鳥兼葭成四鄰。市人誘我利三倍。輟棹一出幾危身。古來有道處漁釣。豈與荷擔爲僮臣。欲論舊業誰知者。滿地車輪來往塵。言歸明月滄波上。依舊操舟妙若神。

思賢

井序。

思賢感楊文公遺事也。公事章聖。以直筆不得久居中。詔欲命公作某氏冊文。公不聽。卒以命陳

公彭年命下之日。全家逃歸陽翟。今者道出故邑。冢木合抱。想見風烈。故作是詩。

楊冢事業絕當時。百家疏通問不疑。高文大冊書鴻烈。潤色論思禁林傑。堂堂司直社稷臣。諫有用否不辱身。勁氣坐中掩虎口。忠言天上櫻龍鱗。忍能持祿保卒歲。歸去求田問四鄰。今時此事久索漠。吾恐九原公可作。我來回首行路難。城郭參差夕照閒。風急饑烏噪喬木。孤墳牢落具茨山。

漫尉 井序 照寧

三年葉縣作

庭堅讀漫叟文。愛其不從於役。而人性物理。齋然詣於根理。因戲作漫尉一篇。簡舞陽尉裴仲謨。兼寄贈郝希孟。胡深夫。二同年。爲我相與和。而張之。尙使來者。知居厚爲寡悔之府。然知我罪我。皆在此詩。

豫章黃魯直。旣拙又狂癡。往在江湖南。漁樵乃其師。腰斧入白雲。揮車棹清溪。虎豹不亂行。鷗鳥相與嬉。遇人不睚異。順物無瑕疵。不知愛。故厭不悔爲人欺。晨朝常漫出。莫夜亦漫歸。漫尉葉公城。漫撫病餘黎。不寡非已事。不趨非吾時。人罵狂癡拙。魯直更喜之。或請陳漫尉。壽尉蒲萄卮。酒行激懦氣。攘袂起詭譎。君子守一官。烏肯苟簡爲。奈何如秋葭。信狂風離披。漫行恐污德。漫止將敗機。漫默買猜謗。漫言來詬讟。漫尉謝答客。願客深長思。漫行無軌躅。漫止無扇鞮。漫默怨者寡。漫言知者希。吾生漫叟後。不券與之齊。

於戲獨知子。因使目爲眉。強顏不計返。乾坤一醜難。崑崙視糞埽。既化不自知。悔吝雖萬塗。直道甚坦夷。覆轍索孤竹。奔車求仲尼。以旌招虞人。贖者不肯尸。玉潤安可涸。日光安可緇。斯言出繫表。當以罔象窺。賦分有自然。那用時世移。吾漫誠難改。盡醜不敢辭。

按田

井席 照寧  
四年葉縣作

余與晁端國思道。奉檄按馬鞍山東港。音河稻田陂。官丁誤引道。左次水澤。山深徑危。泥潦堅冰。

長幹挾馬。僅可以度。行五十里。遂不容馬。步沮洳。虎迹新往來。烏鳥叢噪。荆棘盡日出入。乃至河上。集近山之農。告以獻利者。皆以爲瀨水爲舍。居旁治新田。果蓏有畦。桑棗成行。自山之東西。皆不可爲陂。港河原出四頭山。支分爲三。其一盡南出。少折而東。入舞陽。其一稍西流。又折而北。入石塘河。其一滄河也。出山而東流。卒與二水合。而入汝河。汝河今漕河也。吾二人旣臨河。具知獻利者之狀。而余獨有感焉。頃歲肉餼者。以羌胡爲憂。師老西鄙。而士大夫知與不知。爭道孫吳。覆軍殺將。開虜之輕量中國心。而富貴者。今且比肩。近者。朝言多在民事。欲化西北之麥隴。皆爲東南之稻田。良吏攘臂起。郡有召信臣。縣有史起矣。夫土性者。自先王所不能齊。而一切不問。孺夫故苗。灌爲新田。茫茫水陂。邱壘平盡。其君子威以法刑。其小人毒以鞭朴。有舉斯有功。有功斯有

賞。作者之議曰。前日吏持印相授。以媮眼前。而厚利奔於蒼煙野草之間。是豈不可笑。以余觀之。恐是非特未定也。觀朝廷之意。初不貴必成奉承者。要必有功。遂失之耳。語曰。事傳三人。輒失其真。詩曰。周爰咨謀。蓋使指也。今也咨謀者。不慘怛以告者。未忠信歟。夫聽言之道。必以事觀之。奪民之故習。而強以所未嘗。其利安在。興利者。受實賞。方田者。受實獎。郡縣行空文。朝廷收虛名。名爲利民。其實害之。議者謂之有意於民乎。吾不知也。以爲有功於民乎。今旣若是矣。予旣有是言。思道屢歎而已。是日所至已遠。不能歸。遂宿水濱民家。北風黃草。破屋見星月。與晁五引酒相酌。忽然已醉。不知跋涉之勞也。綴以詩。強思道和之。

河冰積嶮巖。山雪晴索寞。幽齋怯寒威。況復出城郭。馬爲蝟毛縮。人歎狐裘薄。淤泥虎跡交。叢社烏聲樂。

橋經野燒斷。崖值天風落。洩雲迷鴻濛。戴石瘦筇屨。音殼攀緣若登天。扶服如入棗。窮幽至河麋。落日更槃

礴。新民數十家。飄寓初棲託。壯產無惰農。蓋榛盡開鑿。臨流遣官丁。悉使呼老弱。恩言諭官意。鄆水陂可作。春秧百頃秔。秋報千倉穫。掉頭笑應僂。吾麥自不惡。麥苗不爲稻。誠恐非民瘼。不知肉食者。何必苦改作。我行疲鞍馬。且用休羈絡。艱難相顧歎。共道折腰錯。勢窮不得已。來自取束縛。月明夜蕭蕭。解衣寬帶索。臥看雲行天。北斗掛屋角。析薪爨酒鼎。興至且相酌。

送蘇太祝歸石城

蘇侯恃才頗跌宕。常欲立談取將相。風期家世非一朝。於我今爲丈人行。偶然把酒葉公城。胸懷披盡能  
譔浪。畫燭如椽吐白虹。花枝圍坐紅相向。夜如何其不忍起。風吹日照離筵上。醉中一笑揮萬金。眼前快  
意誠爲當。僕夫結束底死催。馬翻玉勒嘶歸鞅。南驅面有千里塵。道遠回首幾惆悵。漢陽津上游女多。何  
日石城蕩兩漿。莫倚盧家有莫愁。便成翻手辜前賞。

寄季張

園中看笋已成竹。塔下種槐還得陰。出門望君車馬絕。臨水問信鯉魚沈。贈君以匠石斲泥之利器。淵明  
無絃之素琴。此書到日可歸來。思子妙質爲知音。

贈陳公益  
序并

官於葉城之下。士之久遊而寡過者。無若陳公益。言中權衡。行應繩墨。中心誠樂其爲人。曾子曰。  
目者心之浮也。言者行之指也。公益眸子眸清。言寡而理贍。其行於是乎可攷。予嘗有窮谷蒼煙。  
寂寞之約。唯公益共之。故系之以詩。

陳子善學問。正色鉅其驕。束身居言前。析理在意標。心隨出處樂。性與寂寞超。安安而雅雅。不以行險微。

王良馭驥子。再弱六轡調。自吾與之遊。忘味如聞韶。志道斯近神。莊生說承蜩。顧恐陳子止。誰能中道要。我求一飯飽。黃綬強折腰。取舍不由己。悲哉馬銜鑣。長嘯天地間。搔首獨無聊。雅約青山雲。伊人與逍遙。有如渝此盟。白日尚昭昭。平時多英豪。楚楚在本朝。吾徒固長物。分當老箠瓢。

將歸葉先寄明復季常

熙寧二年  
葉縣作

初日照屋山。好鳥唳簷角。卷簾吏卻掃。齋舍寒蕭索。呼兒筇春醪。期與夫子酌。簡書驅我出。衝雪凍兩腳。莫行星輝輝。曉起雞喔喔。青煙過空村。商旅無遠覓。豈不欲少留。王事苦敦薄。平生白眼人。今日折腰諾。可憐五斗米。奪我一溪樂。公等何逍遙。睥睨寄講學。談犀振清風。棊局落秋雹。雲陰愁濛鴻。山路險犖确。慎無告歸軒。使我數日惡。羸驂逆歸心。旋潭蹶霜凜。悲嘶惜郵泥。短筵冷難捉。南征喜氣動。迎面蛛絲落。買網繪金橙。歸價炊黍約。

分寧本云。按管注。公雖作尉而沿檄不時如蒲城佚盜以校見督之類。此詩雖題將歸葉寄明復季常然有簡書催我去衝雪凍兩腳之句。必是因校出而歸無疑。

送張仲謀

竹雞相呼泥滑滑。夜雨連明溪漲闊。門前馬作遠行嘶。酒是張侯來訪別。入門下馬未暖席。猛如秋鷹欲飛掣。黃花可浮惜別杯。官沾苦酸不堪設。張侯少年氣高秀。太華孤峯帶冰雪。袖中日日有新詩。正與秋

蟲同一律。吏曹不能弄以事。太尉家兒盡英。惹窮愁。寂寞雙鳧縣。唯子可輸肝膽說。遊君宮室如芝蘭。於我弟兄比瓜葛。相親莫覺相去難。一作相從未覺歲時久挽斷衫袖不忍訣。一作言別奈何腸胃熱緬懷君家芳盤時。迺翁塵摠連

城節。北使初隨富亳州。萬死弗顧探虎穴。煌煌忠槩獎王命。汝等於今仕朝列。稍開塞上秋草黃。螳螂怒臂當車轍。將軍西擁十萬師。謀士各伸三寸舌。胡不還家讀父書。上疏論兵款天闕。燕然山石可磨鐫。誰能禦子勒勳伐。功業未成且自愛。早寄書來慰饑渴。

擬君子法天運

熙寧四年葉縣作

君子法天運。不言行四時。提提無近功。成歲乃可知。明窺秋毫端。耳察穴蟻爭。羣材極爲力。陰拱收視聽。三辰從昏明。萬物安性命。因時有更張。斟酌如斗柄。細人趨眼前。翻手覆手閒。狂風吹長林。何枝烏能安。須臾誠快意。狼籍不可言。

傷歌行四首

草木搖落天沉陰。蟋蟀爲我商聲吟。高明從來畏鬼瞰。貧賤不能全孝心。蚤知義利有輕重。積羽何翅一鈞金。莫悲歸妹無錦繡。但願教兒和瑟琴。



孟氏至誠通竹筭。姜詩純孝感淵魚。古人常欲養志意。君子不唯全髮膚。有妹言歸奉箕帚。仰誰出力助兼葦。等閒親鬢貧中白。自悔從來色養疎。

其三

諸妹欲歸囊褚單。值我薄宦多艱難。爲吏受賕恐得罪。啜菽飲水終無權。永懷遂休一夜夢。誰與少緩百憂端。古人擇壻求過寡。取婦豈爲謀饑寒。

其四

伯夷不食周武粟。程嬰可託趙氏孤。死者復生欲無愧。受遺歸妹況在予。經營百事失本意。跬步尋常畏簡書。人間若有不稅地。判盡筋力終年鋤。

行行重行行贈別李之儀

元豐三年改官太和作。贈叔名之儀寓居蘇湖。

行行重行行。我有千里適。親交愛此別。勸我善眠食。惟君好懷抱。高義動顏色。贈子青琅玕。結以永弗諼。拭目仰盛德。洗心承妙言。子道甚易行。易行乃難忘。虛名織女星。不能成文章。微君好古學。尙誰發予狂。事親見不足。擇友知無方。大聖急先務。君其愛積光。外將周物情。中不敦已道。以客從主人。辨之苦不早。行身居言前。悟理在意表。苟能領斯會。大自足諸小。勿念一朝患。勿忘終身憂。忠誠照屋漏。萬物將自求。

此道不予欺。實吾聞之邛。羣居行小慧。宴笑奉樽俎。益友來在門。疎拙不見取。誰不聞此風。去君鴻鵠舉。

春思

熙寧四年  
葉縣作

花柳事權輿。東風剛作惡。啓明動鐘鼓。睡著初不覺。簡書催秣馬。行路如狗彘。看雲野思亂。遇雨春衫薄。今日非昨日。過眼若飛電。光陰行晚晚。吾事益落莫。閑尋西城道。倚杖俯墟落。村翁逢寒食。士女飛綵索。平生感節物。始悟身是客。搔首念江南。拏船趁鴻鵠。夷猶揮釣車。清波舉霜鮒。黃塵化人衣。此計誠已錯。百年政如此。豈更待經歷。

戲答公益春思二首

能狂直須狂。會意自不惡。蚤知筋力衰。此事屬先覺。公詩應鍾律。豈異趙人鐸。我爲折腰吏。王役政敦薄。文移亂似麻。期會急如電。賦斂及逋逃。十九被木索。公思當此時。清興何由作。前日東山歸。花如萎莎落。徑欲共公狂。知命知此樂。公家胡獨癡。雖晚尙隱約。晴明好天氣。暫對亦極適。絳帳朱粉輕。舞幘衫袖窄。衣襦相補紉。天吳亂鷓鴣。草茅多奇士。蓬華有秀色。西施逐人眼。稱心最爲得。食魚誠可口。何苦必飭鮒。青王力能否。人生天地客。不者尙能來。南窗理墨迹。草元讀周書。葉策定漢歷。有意許見臨。爲公酤一石。

昔人有真意。政在無美惡。微言見端緒。垂手延後覺。大聲久輟響。誰繼夫子鐸。長笑二南閒。斯道公不薄。性懷如珮環。詩筆若隕雹。前篇戲調公。深井下短索。子雲最清淨。亦動解嘲作。光塵貴和同。玉石尙磊落。衆人開眼眠。公獨寤此樂。昔在西宮遊。初非朝夕約。邂逅二三子。蛾眉能勸客。坐嫌席間疎。酒恨盞底窄。驪駒我先返。看朱已成碧。況聞公等醉。歌舞恣所索。舞餘必纏頭。歌罷皆舉白。清狂稍稍出。應節自不錯。譬如觀俳優。誰能不一噓。何爲苦解紛。迺似自立敵。人生忽遠行。車馬無歸迹。黃梁一炊頃。夢盡百年歷。弃置勿重陳。虛心待三益。

衆人觀俳優

衆人觀俳優。誠有可笑時。侏儒笑人後。所笑動未知。非桀是堯舜。諸生同一詞。不能解其會。何笑侏儒爲。桓公方讀書。輪扁釋斧鑿。借問作書人。已歸蒿里宅。至精固不傳。所說乃糟粕。使道如懷珍。分我贍人貧。人將遣朋友。誰不獻君親。喁喁來噍食。泯泯去遊魂。昭穆才弟兄。愚智已子孫。愚游智者籠。智受萬物役。奔奔相後先。成則自爲德。勞神不知疲。求所不能知。深心著文字。有如烏粘翮。敗新爲故袴。何獨鄭人妻。鵠卵待啄抱。自憐非荆雞。誰能起千載。化此故紙癡。

次韻任公漸感梅花十五韻

花信風來自伊洛。稍稍花光上林薄。經年病骨怯輕寒。裁就春衫不勝著。纍纍牆底臥虛樽。醉鄉何處尋。

城郭小軒假寐遊華胥。萬籟無聲燈寂寞。落梅新詩入吾手。驚起詩魔如發愕。高文逸氣天馬趨。尾端尙許青蠅託。坐恐句芒弃我歸。看花不及空紫萼。生前常苦不自閑。芻豢廢人受羈絡。我嗟卒歲敝鞍韉。風敗衣裙塵滿囊。輕裘緩帶多公暇。公獨奈何猶不樂。公言少年豈易知。鳳屏翠幔愁蕭索。蚤從琪樹折春鷗。每見新詩淚雙落。勸公且共飲此酒。酒令雖嚴莫噴虐。時鬪舞袖閒清歌。日薦南萸羹北酪。花開莫問醜與妍。隨分眼前罄杯酌。不須憔悴減腰圍。也學東陽沈侯約。

答王晦之見寄

臨西風動商歌。故人別來少書信。爲問故人今若何。白雲濛濛迷少室。明月耿耿照秋河。可憐此月幾回缺。空城每見傷離別。郵筒朝解得君詩。讀罷涼飈奪炎熱。嗟乎晦之遺詞長於猛健。故意淡而孤絕。有如怒流雲山三峽泉。亂下龍山千里雪。大宛天馬嘶青芻。神俊照人絕世無。自言欲解羈銜去。不能帖耳駕鹽車。朝登商山采三秀。暮上緱嶺追雙鳧。紛紛黃口爭粟粒。君用此策固未疎。但恐高才必爲一世用。雖有潺湲不得釣。空曠不得鋤。西風酌酒遙勸君。好去齊飛鸞鳳羣。窮山遠水迺是我輩事。荷鋤把釣聽子入青雲。

寄懷藍六在延平

崇寧二年  
赴宜州作

貧賤相知若吾友。取端於此能更求。德性委蛇結綠佩。文章燦爛珊瑚鉤。與君千里共明月。思子一日如三秋。願學延平兩龍劍。風波際會永同遊。

送焦浚明

熙寧四年

葉縣作

西瞻岷山兮東望蛾眉。錦江清且漣漪。地靈山秀誕豪傑。來入中州振羽儀。相如傲萬物。子雲窮一經。黃金賣賦聘私室。白頭大夫不公卿。窮閭卜肆閒。十步一豪英。竟無人識李仲元。不可屈致嚴君平。四君德音閉黃壤。只今龔頭松柏聲。我住葉公城。常如井底坐。不謂焦夫子。聞風肯來過。焦子初見我。如蘭生幽林。春風爲披拂。始得香滿襟。中懷坦夷眉宇靜。外慕淡薄天機深。花開鳥啼晝寂寂。酒闌燭明夜沈沈。人皆扶牽爛漫醉。子更把書求本心。二年與燈火。琢子之玉鍊我金。焦夫子。我以陋邦無人把書策。邂逅逢君得三益。胡爲弃我忽遠行。手捧嘉陽從事檄。焦夫子。君起爲我舞。我其爲君歌。君方跨馬涉遠道。湖外地少山川多。霜秋搖落天日遠。西風翻翻水驚波。一筵談笑遂相失。兩地離愁各奈何。焦夫子。酒行君定起。此盃須百分。少別遂萬里。歸尋所種樹。應已數千尺。試照嘉陽水。君髮猶未白。古人不朽事。所願更勉力。別後相逢豈在言。拭目看君進明德。

新寨餞南歸客

初更月蝕缺半璧。三更北風雪平屋。夜寒置酒送歸客。長歌燕雁燈前落。故園無書已十月。目極千里雲水隔。客方有行乃未已。歸且經予江上宅。比鄰諸老應相問。爲道於今不如昔。新知翻手覆手覆。故人江南與江北。有時日高天氣清。炙背南軒把書策。可憐斯人巧言語。今已埋沒黃土陌。乃知生前傾意氣。不用身後書竹帛。往在江南最少年。萬事過眼如鳥糞。夜行南山看射虎。失腳墜入崖底黑。卻攀荆棘上平田。何曾悔念身可惜。辭家上馬不反顧。談笑據鞍似無敵。邇來多病足憂虞。平地進寸退數尺。意氣索然成老翁。所有鬢髮猶未白。閑居爲婦執薪爨。宿處野人爭臥席。昔壯今衰殆不如。吾恐未必不爲福。寄聲諸老善自愛。客行努力更強食。門前種柳今幾長。戒兒勿令打鵝鷓。春晚歸來躑躅間。爲公置酒臨江閣。

曉起臨汝

缺月欲崢嶸。鳴雞有期信。征人催夙駕。客夢未渠盡。野荒多斷橋。河凍無裂壘。音羸馬踏冰翻。疑狐觸林

問

道。清風蕩初日。喬木囀幽韻。崧高忽在眼。岌峨臨數郡。元雲默垂空。意有萬里潤。寒暗不成雨。卷懷就膚寸。觀象思古人。動靜配天運。物來斯一時。無得乃至順。涼暄但循環。用捨誰喜愠。安得忘言者。與講齊物論。

答閻求仁

暮天攜手步河梁。把酒淹留斜日光。生當有別各異方。古人嗟此樂難當。大梁嬉遊少年場。春風花枝嘯鷗黃。節物謝徂歲。渠央來自江南登君堂。秋氣欲動聞寒螿。會幾何日今別長。與子觀化言兩忘。浩歌放船入莽蒼。綠藻刺眼紅渠香。湖月夜飛衣袂涼。相從宴坐歌胡床。贈言錦繡邀報章。君心溫良志則剛。不能牛下學歌商。欲謝世紛自翺翔。果行此策無乃良。昔人所學浩渺茫。海涵地負無抵當。棄捐其人及糝糠。帝王之功一豪芒。既趨世故自遐邊。一作何異滅穀俱亡羊。以生隨之中道傷止。吾已知終必亡。我亦聞之未能行。慨今無策可伏藏。身隨衣食葉南陽。脫身自當及康強。不待齒疎髮蒼浪。優游濠上如惠莊。論交莫逆與子相。

送陳季常歸洛

人生俱行役。何能如聚鹿。浮楂在江湖。邂逅一相觸。天邊數年別。故人有陳叔。誰云區區葉。車馬肯來辱。清樽聽夜語。常一作燒。三四燭。劇談連古今。天漢瀉崖谷。高材歎加壯。所向動乖俗。我官塵土閒。強折腰不曲。飽飯逐人行。君來方拭目。汝穎無奇士。僕夫催結束。嗟如秋窗暉。來少去苦速。蚤吾接雍容。愛德心不足。歲晚託懿親。清義迺愈篤。落日送河梁。鳴蟬度喬木。歲寒贈君何。唯有南溪竹。

雨晴過石塘留宿贈大中供奉

長虹垂地若篆字。晴岫插天如畫屏。耕夫荷耒解襪。漁父噉網投筭。子期聞笛正懷舊。車胤當窗方聚螢。獨臥蕭齋已無月。夜深猶聽讀書聲。

次韻答薛樂道

薛侯筆如椽。崢嶸來索敵。出門決一戰。莫見旗鼓迹。令嚴初不動。帳下聞吹笛。乍奔水上軍。拔幟入趙壁。長驅劇崩摧。百萬俱辟易。子於風雅閒。信矣強有力。天材如升斗。吾恨付與窄。攬物能微吟。假借少儲積。山城坐井底。聞見更苦僻。子非知音耶。何不指瑕譎。

戲贈陳季張

氣清語不凡。郭與陳季優。季子有美質。明月懸高秋。詞談貫百家。炙轂出膏油。放聲寄大塊。肆情無去留。方圓付自爾。規矩爲瘡疣。當其說荒唐。衆口莫能咻。書案鼠篆塵。銜蔬滿床頭。居不省家舍。那問犬馬牛。吾嘗觀聖人。與世爲獻酬。道通衆人行。智欲萬物周。微言觀季子。頗亦有意不。季子捧腹笑。吾豈搢紳囚。我將乘扶搖。南與大鵬遊。相羊九萬里。厭則下滄洲。黃子失所答。如耕不能耨。井蛙延海鼈。樂事擅一邱。束牲盟伯夷。固自取擲揄。音由無心以觸物。愛子如虛舟。維楫苟不存。傾覆當誰尤。尙思濟來者。非但自爲



寄別陳氏妹

西風吹天雲。頃刻異秦越。叔子從天東。忽與同姓別。餞行在半塗。一食三四噎。遙遙馬嘶斷。芳草迷車轍。引襟滿眼淚。回首寸心折。母氏孝且慈。愛養數毛髮。諸兒恩至均。如指孰可斲。汝今始歸人。綿綿比瓜瓞。中畦不灌溉。芳意還銷歇。黃鳥止桑楚。南山采薇蕨。擇歸旣甚明。寡取迺爲悅。我開賢女傳。須已爲汝說。在宋有伯姬。潔身若冰雪。下堂失傅母。上堂就焚燕。吾嘗嘉惠康。有婦皆明哲。戮力事耦耕。甘貧至同穴。彼於視三公。其猶吹一吷。雍容二南閒。此婦真豪傑。男兒何有哉。今壯而善耄。逢時秉鈞軸。邂逅把旄鉞。富貴多禍憂。朋黨相媒孽。等之轂中遊。巧者未如拙。勿以貧賤故。事人不盡節。母儀尊聖善。婦道尙曲折。萬生晚萋萋。絺綌代裘褐。女工旣有餘。枕簟清煩渴。誰言淮蔡遠。曾不以日月。跋予升高邱。佇望飛鳥滅。善懷詩所歌。行矣勿惜別。皇皇太史筆。期汝書英烈。

戲贈王晦之

故人邇在登封居。折腰從事意何如。月明曾聽吹笙否。我亦未見緱山臯。棲直世上風波惡。情知不似田園樂。未知嵩陽禪老之一言。何似黃石仙翁之三略。

觀崇德墨竹歌

井序

姨母崇德君贈新墨竹圖且令作歌

夜來北風元自小。何事吹折青琅玕。數枝灑落高堂上。敗葉蕭蕭煙景寒。迺是神工妙手欲。自試襲取天  
巧不作難。行看歎息手摩拂。落勢夭矯墨未乾。往往塵晦碧紗籠。伊人或用姓名通。未必全收俊偉功。有  
能藝事便白首。不免身為老畫工。豈如崇德君。學有古人風。揮毫李衛言神筆。婦夫人俞書耶李充母。母以夫姓自稱李衛。彈琴蔡

琰方入室。道韞九歲能論詩。龍女早年先悟佛。弈碁樵客腐柯還。吹笙仙子下緱山。更能遇物寫形似。落  
筆不待施青丹。尤知賞異老蒼節。獨與長松凌歲寒。世俗甯知真與僞。揮霍紛紜鬼神事。黃塵汗眼輕白  
日。卷軸無人得覘視。見我好吟愛畫勝他人。直謂子美當前身。贈圖索歌追故事。才薄豈易終斯文。所愛  
子猷發佳興。不可一日無此君。吾家書齋符青壁。手種蒼琅十數百。一官偶仕葉公城。道遠莫致心慘戚。  
我方得此興不孤。造次卷置隨琴書。思歸才有故園夢。便可呼兒開此圖。

送陳蕭縣

欲留君以陳遵投轄之飲。不如送君以陶令無絃之琴。酒嫌別後風吹醒。琴爲無絃方見心。去夏雨餘清  
夜醉。黃鸝不覺報春深。花枝柳色競鮮好。迺是前日枯朽林。人生用捨四時可。壯士憔悴非獨今。大夫黃  
綬領垂素。二十餘年走塵土。盈車載書遣兒讀。不悔早爲文墨誤。治聲翕然先向東。古蕭子國今萬戶。德

性忠純吏不欺。閨門孝友民所慕。麥隴童兒憐雉乳。冰天窮子兼襦袴。惜惜琴意如溫風。迺知不必徽絃具。明月清河佳可遊。官倉糜我不得去。白露爲霜水一篙。秋香蓮蕩浮輕舸。此中亦有無絃意。相憶樽前把蟹螯。

致政王殿丞逍遙亭

漆園著書五十二。致意最在逍遙遊。後來作者逐音響。百一未必知莊周。幽人往往泥出處。俗士不可與莊語。逍遙如何。一蛇一龍。以無爲有。當以守雌爲雄。與物無對。無內無外。與民成功。有口有對。左肘生楊。觀物化。右臂爲雞。卽時夜。果若乘氣有待游。如何六氣無窮謝。天之蒼蒼非正色。道真微妙安可得。利害叢中火甚多。此心寂寞誰能識。文人春秋誠未高。視聽聰明齒牙牢。所爲淳拙有深趣。持置酷似巨山陶。平生剛直折不得。目送飛鴻向賓客。早束衣冠林底眠。非關暮年俗眠白。種田百畝初爲酒。買地一區今有宅。家人歲計不嬰心。兩兒長不能措畫。邇來信已不問天。萬事逍遙只眼前。何必讀書始曉事。此翁暗合莊生意。

送何君庸上贛石

醉中作。時元豐五年。君庸太和籜。

臘梅開盡欲凋年。痛飲千缸壁底眠。江寒山瘦思親友。歸守平生二頃田。西昌萬戶深篁竹。楚國無人知

白玉欲附絃歌慰寂寥。絃斷枯桐誰識曲。樽前顧曲客姓周。學問東山繼先流。梅花惱人已落盡。真成何遜醉揚州。我今頷底髭半白。背世□□學春秋。此書百年鎖蛛網。亦謂歲晚逢何休。荀侯畫謀取垂棘。之奇貪賢無處適。大庾嶺頭煙雨中。萬峯插天如劍直。苦懷行李冰纒須。野店酒旗可試沽。只今人材不易得。儻逢滌器試相如。

寄懷趙正夫奉議

元豐八年

德平作

春皇撫宇宙。仁氣被園林。草木懷元寵。松柏抱常心。攬觀萬物表。有覺詠時禽。一勸君沽酒。一起予投簪。小人畏罪罟。溟雪奉官箴。鷄鳴風雨晦。鶴鳴澗谷陰。維此方寸寶。日月所照臨。澤蒲漸綠弱。山桃破紅深。永懷寂寞人。黃卷事幽尋。虛窗馳野馬。宴坐醉古今。鴛鴦求好匹。笙磬和同音。何時聞笑語。清夜對橫琴。


分寧本云。按營註。載公有題辭本法帖云。元豐八年夏五月戊申。趙正夫出此書于平原官舍。又題樂府木蘭詩後云。元豐乙丑五月戊申。會食于趙正夫平原監郡西齋。二詩蓋當時作。又營按國史。元祐三年十月己丑。蘇軾言御史趙挺之在元豐末。通判德州。而著作黃庭堅方監本州德平鎮。挺之希合提舉官楊景柔之意。欲于本鎮行市易法。而庭堅以爲鎮小民貧。不堪誅求。若行市易。必致星散。公文往來。士人傳笑云云。公他日宜州之禍。亦基於此。故因備載。

四月丁卯對雨寄趙正夫

方綱按。一本無此

題而前題云二首

公家常恩務。退食用寢說。相思雖勞動。書問不能多。時雨光萬物。開雲見義和。乾坤有美意。吠滄未盈科。凱風吹南榮。官槐綠婆娑。鸚鵡將其匹。來巢自成家。於物無譏嫌。人亦不誰何。眷言生理拙。無地牧雞鵝。丈人春秋高。難覈勤摩莎。在公每懷歸。安得借明駝。畏塗失無鄉。酌海持一蠶。平生朱絲繩。寂寞長絲窠。故人纍纍去。宰木上女蘿。生存半白首。會面阻山河。趙侯秉金玉。不與世同波。從容覺差晚。鄙心寄琢磨。外物良難必。歲寒不改柯。



山谷詩外集補卷第二

賦陳季張北軒杏花

得酒字 熙甯四年葉縣作

青春不揀勢薄厚。春到人家盡花柳。杏園主人殊未來。豈謂一枝先入手。天晴日暖籠紫煙。鏡裏紅粧猶帶酒。江梅已盡桃李遲。此時此花卽吾友。欄邊漸滿一作雨枝上空。歎息躊躇爲之久。榮衰何異人一生。少壯豈時成老醜。狂癡未解惜光陰。不飲十人常八九。豈如大醉升糟邱。太古乾坤隨處有。更當種子如董仙。搏米誰能問升斗。

送蒲元禮南歸

熙甯四年葉縣作

元禮佳少年。俊氣欲無敵。文章詩最豪。溟漲助筆力。三年葉公城。於我固多益。恨無荆雞材。使君有羽翼。此行省親闈。綵服耀春色。從容文字閒。固未曠子職。斬春向鄂渚。曾不三四驛。吾師李武昌。金聲而玉德。誠能勇一往。所進豈寸尺。江南後生秀。居多門下客。願君從之遊。琢磨就圭璧。斗酒清夜闌。缺月挂屋壁。雞鳴馬就轡。少別安足惜。人生共一世。誰能無行役。

卽席

落葉不勝掃。月明樹陰疎。親鄰二三子。樽酒相與俱。霜栗剝寒囊。晚菘煮青蔬。解官方就門。敦薄無簡書。純益氣蕭蕭。未羈天馬駒。元禮喜作詩。豪氣小未除。大醉知力學。日來反三隅。小醉受善言。如以柳貫魚。天民嘗逸駕。近稍就檝株。知命雖畸人。清談頗有餘。阿廬快憤子。規矩尙小殊。不材於用少。我則澗底樗。會合只偶然。等閑異秦吳。人生一世閒。何異樂出虛。過耳莫省領。披懷使恢疎。買網尙可鱸。倒壺更遣沽。不當愛一醉。倒倩路人扶。

贈李彥深

元豐元年北京作我原  
字彥深厚之弟居南陽

瓊枝雖療渴。萱草忘人憂。李君氣蕭蕭。翠竹搖清秋。步竹來過門。日色在簾鉤。開雲覩白雉。臨水對虛舟。言少常造極。色夷似無求。醉尉廳索寞。寒泉沃茶甌。四坐愁水厄。井餅猶屢投。斲錫碎玉札。閒薦當衆羞。微物不足貴。且延君少留。行役阻相見。心如旆悠悠。春魚出清泚。社酒欲勝筓。時來得晤語。呼客盡更籌。再和答張仲謀陳純益兄弟

渡江羈宦襄江北。紅塵染盡春衫色。春畚輟耕草萋萋。瘦妻病餘廢組織。官倉得粟何常飽。清夜饑腸吟唧唧。西風吹夢到故鄉。千里關山雲水白。可憐奪卻田園樂。何異萬金輸一擲。亂轍曾無長者車。經年不



造先生席。張侯少年二陳俊。傾蓋能如舊相識。涼秋夏日數來過。要與六經生羽翼。貧家雖無樽酒。惟小徑曾鉅待三益。劇談莫問井闌干。坐須山月吐半壁。

飲城南卽事

元豐二年  
北京作

陰陰花柳一百五。吹空白綿亂紅雨。已看燕子飛入簾。未有黃鸝學人語。鬪雞走狗輕薄兒。衣裾相鮮氣相許。半是播閒醉飽人。還家驕色羞婦女。顧侯邀客出城南。曉蹋天街已塵土。春風遊絲人到狂。何況客醉日當午。著作文章名譽早。不愧漢庭御史祖。元城茂宰民父母。境不飛蝗河渡虎。何侯家世看豐碑。墨摹萬卷心奇古。穎陰從事江左賢。八詠樓高風月苦。劉郎曾眠武陵源。好在桃花迷處所。鄙夫漫有腹便便。懶書欲眠誰比數。一笑相懽自難得。看朱成碧更起舞。任他小兒拍手笑。插花走馬及嚴鼓。顧侯三酌似已多。明日花飛奈老何。

宣九家賦雪

元豐八年祕書省作  
宣九  
謂宗室宣州院第九家者

都城窮臘月半破。晚來雪雲應朝課。虛簷稍聞飄瓦聲。六花連空若推墮。翩翩恐逐歌吹來。皎皎不受塵泥浼。試尋高處望雙闕。佳氣蔥蔥寒貼妥。遙知萬馬駕紫宸。把燭天街聽宮鑠。吾人豈解占豐年。但喜酒樽宜附火。石鼎香浮北焙茶。洪爐殼爆宣城果。陸珍海異厭下筯。別索百種頌烹和。僕奴睥睨費呼叱。主

人愛客無不可。憑向江船問子猷。山陰夜醉何如我。北鄰長吉最能詩。怯寒正想重裘坐。故遣長須屢送來。猶得王孫嘲飯顆。

和舍弟中秋月

元豐二年北京作。方綱按。元豐二年。先生年三十五。此首句與題注不合。必有一誤。蓋注誤也。

高秋搖落四十五。清都早霜凋桂叢。纖塵不隔四維淨。寒光獨照萬象中。少年氣與節物競。詩豪酒聖難爭鋒。桓伊老驥思千里。尙能三弄當清風。廣文陋儒嬾於事。浩歌不眠倚梧桐。百憂生火作內熱。何時心與此月同。後生晚出不勉學。從漢至今無揚雄。天馬權奇大宛種。吾家阿熊風骨聳。言詩已出靈運前。行身未聞孟軻勇。明窗文字不取讀。蜘蛛結網塵堆壅。少壯幾時夏已秋。待而成人吾木拱。憐汝起予秋月篇。我衰安得筆如椽。但使樽中常有酒。不辭坐上更無氈。把詩問字爲汝說。便當侯家歌舞筵。

和世弼中秋月詠懷

熙寧八年北京作。

一年中秋最明月。也照貧家門戶來。清光適從人意滿。壺觴政爲詩社開。秋空高明萬物靜。此時乃見天地性。廣文官舍非吏曹。況得數子發嘉興。千古風流有詩在。百憂坐忘知酒聖。露華侵衣寒耿耿。絕勝永夏處深甌。人生此歡良獨難。夜如何其看斗柄。王甥俊氣橫九州。樽前爲予商聲謳。松煙灑落成珠玉。溪藤卷舒爛銀鈎。北門樓鹵地險壯。金堤濁河天上流。離宮殿閣礙飛鳥。霸業池臺連禿鶩。當日西園湛清

夜冠蓋追隨皆貴游。使臣詞句高突兀。慷慨悲壯如曹劉。我於人間觸事懶。身世江湖一白鷗。空餘詩酒興不淺。尙能呻吟臥糟邱。偶然青衫五斗米。奪去黃柑千戶侯。永懷丹楓樹微脫。洞庭瀟湘晚風休。晴波上下掛明鏡。棹歌放船空際浮。不須乞靈向沈謝。清興自與耳目謀。江山於人端有助。君不見至今宋玉傳悲秋。期君異時明月夜。把酒岳陽黃鶴樓。

次韻答常甫世弼二君不利秋官鬱鬱初不平故予詩多及君子處得失事

熙寧八年  
北京作

鵬翼將圖南。垂天上扶搖。飛飛尋常間。深樹乘風蜩。大觀與小智。從事不同條。揚雄老執戟。金張珥漢貂。松柏有本心。蒲柳望秋凋。久矣結舌瘖。狂言始今朝。崔王兩驥子。神俊萬里超。驚人吐嘉句。拔俗振高標。頻來草元宅。共語清入寥。處己願如舜。致君敢不堯。回觀勢利場。內熱作驚潮。趨時愧才全。傲世迺士驕。二生浪許可。彈炙則求鶩。圍棊飯後約。煨栗夜深邀。爾來數到門。玉趾不憚遙。相期淡薄處。行樂亦云聊。甘泉沸午鼎。茗椀方屢澆。昏鴉相送歸。風枝撼調調。男兒強飲食。九鼎等一瓢。富貴但慙熱。名聲適爲祆。世事寒暑耳。四時旋斗杓。勿學懷沙賦。離魂不可招。

送魏君俞知宿遷

魏侯得名能治劇。江湖作吏聲籍籍。人言才似鉅鹿公。詔書擢守二千石。前日見賢後得罪。艾封霑襟復

自悔牛刀割雞不作難。看公來上宿遷最。

秋懷二首

熙寧八年  
北京作

秋陰細細壓茅堂。吟蟲啾啾昨夜涼。雨開芭蕉新閒舊。風撼篔簹宮應商。砧聲已急不可緩。簷景既短難爲長。狐裘斷縫棄墻角。豈念晏歲多繁霜。

其二

茅堂索索秋風發。行遶空庭紫苔滑。蛙號池上晚來雨。鵲轉南枝夜深月。翻手覆手不可期。一死一生交道絕。湖水無端浸白雲。故人書斷孤鴻沒。

和李文伯暑時五首

文伯字去華。公之壻。李樂德素之子。雖納壻在後。而公與龍眠李氏爲素交。

團扇如明月。動搖微風興。屏去坐上熱。祛遂盤中蠅。有用何提挈。無心分愛憎。炎炎雖可貴。棄置奈寒冰。

扇。右

其二

塵髦副白玉。揮弄柔毳毼。不獨效擊拂。與君爲指南。諸生臨廣坐。辯口劇春蠶。此物爲解紛。吾常見不談。

右塵尾

其三

沈埋寒泉骨。成器世乃重。賢於曲肱樂。輾轉不傾動。六月塵埃閒。頭爲涔涔痛。一臥洗煩勞。華胥直通夢。

右石枕

其四

吾家笛竹簟。舊物最所惜。當年楚山秋。林下千金得。寒光不染簟。舊與塵泥隔。落日照江波。依稀比顏色。

右簟

其五

飛蚊遠床帷。來傍青燈集。微涼忽透隙。如帶驚蠶入。念彼無懈者。中夜何歎及。天下同安眠。西風向秋急。

右葛榻

送錢一杲卿

杲卿乃種父內翰長子。黃師是之妹夫。時師是爲河北漕錢時在外舍師是名實。

錢君佳少年。濯濯春月柳。開談屢逼人。落筆若揮帚。鳧雁菰蒲中。英材頗時有。同聲傾夙期。異姓接婚友。

冷官國北門。會面始八九。時時過薄飯。卯坐常至酉。今日得休沐。方釀步兵酒。聞子車馬南。欲餽輒掣肘。溫風媚行色。綠淨無塵垢。魚軒迎少婦。能獻二親壽。到家春已融。柔條可結紐。蒹藻蔓平湖。釣船先入手。南雁正北來。蚤寄詩千首。

觀道二篇

聖人用仁心。惻傷路傍兒。虎狼舐吻血。自哺胃與肌。同在天地間。六鑿相識知。父母臨萬物。大道甚坦夷。百年修不善。一日許知非。虎狼有悛心。還與聖人齊。

其二

廉蔭向千載。凜凜若生者。曹李雖無恙。如沈九泉下。短長略百年。共是過隙馬。事來磨其鋒。意氣要傾瀉。風雲滅須臾。草木但春夏。唯此一物靈。不可藉外假。譽髦天下才。西伯本心化。君無諂斯文。可以觀大雅。

送朱貺中允宰宋城

元豐元年北京作。  
宋城屬南京。

鄴王臺邊春一空。但有雪飛楊柳風。我從南陽解歸囊。重簾複幕坐學宮。酒材苦責公釀薄。欲經醉鄉無路通。奈何當此意緒惡。僚友決去如飛鴻。朱侯官居鄴城下。不脫轡銜秣征馬。綠槐陰陰門對街。唯我知君少閑暇。新從天上拜書回。去効割雞宋之野。宋城萬家有和氣。明府豈弟心傾寫。愧君乞言極忠厚。安

得瓊瑤贈盈把。古來爲縣有盛名。不遛墾田歸桑柘。欲蘇濁水賴尾魚。舞文吏胥無假借。朝廷本意在治安。外論不然可驚惜。豈如規摹跨三代。首聽官師困鰥寡。簿書期會可半功。區別枉直教刑中。杜光作刑至載割。及民無辜受笞罵。權衡此心坐堂奧。草木遂生蟲蟻化。朱侯明日君定行。行李觸熱時已夏。我官雀鼠盜太倉。欲去猶須畢婚嫁。幾時可上君政成。卽買扁舟極東下。

送顏父歸蔡

照寧三年  
葉縣作

北風飄飄天作惡。枯木已無葉可落。寒溪濺濺聲迫人。歲聿云莫慘不樂。此時陳子迺棄我。歸將索陶亟乘屋。吾室尙潭潭。留君欲晤談。掉頭去不顧。明發解征驂。君來久相從。知我無所堪。好學勇如虎。讀書青出藍。有疑必考擊。無奧不窮探。愧無洪鐘響。十不答二三。慨予方食貧。予腹豈屢厭。藜羹稀糝苳。寒菹薄醢鹽。雖欲苦留君。俎豆無加添。從來婚友閒。恩義亦云兼。草枯方兀兀。麥秀待漸漸。綠髮佳少年。回首垂白髯。進德失盛時。時甯爲人淹。經綸自封植。豈不如春蠶。此行決矣戒童僕。歸旁南陔種蘭菊。旅床夜夜悲蛩螢。行色村中異風俗。青燈白酒留故人。莫愛一醉至曉角。

次韻七兄青陽驛西阻水見寄

元豐元年  
北京作

挽船逆牽九牛尾。寸步關梁論萬里。淮山終日只對面。與船低昂如角抵。水工爬涉未曾去。遠者盈尋近

益巴長堤夜射千丈潭。疾雷不及先掩耳。吾人猶困坎井泥。何算鯁鯁著塵滓。我家詩翁坐長歌。險阻艱難實經履。稍尋牛豕畦疇行。始得村落魚菜市。風榆雨柳愁殺人。日西月東若流水。忽然槌鼓催發船。入門驢甚折屐齒。道逢耦耕試借問。往往見謂知津矣。十年奔走營曉炊。家居煖席能得幾。此行幹盤維叔父。功苦食辛等醇醴。官筒之詩鄴城下。孝友懇惻見表裏。強哦竹閒惜寡和。如以罷兵取堅壘。何當車馬城南來。壽親一樽開宴喜。

酌別世弼

熙寧八年  
北京作

王郎婚友平生期。學問文章過吾黨。一見懸知白璧奇。三年未負青雲賞。蘇秦六印自多金。陶朱再相宜藏鏹。貧賤相知乃爲貴。功名所在何須枉。鄴王城下倒清樽。子雲書中罨蛛網。樽前惜別語萬千。門外催發人三兩。自從相見開青眼。無處會面如天上。傾壺倒榼駐車馬。豈但呼燈照鬢旂。平生相從忘歲月。手足割裂誠迷惘。譬如旁人看疥癩。未易能去膚髮痒。但願自思恩愛閒。勿以眼前劇愁想。

庭誨惠鉅硯

熙寧八年  
北京作

郭君大硯如南溟。化我霜毫作鵬翼。安得剡藤三千尺。書九萬字無渴墨。叔誨宿邀湖上之遊。以故不果往。



菱荷探盡荇田田。湖光價當酒十千。主人邀客殊未來。西風枕簟廢書眠。睡罷書窗翻墨汁。龍蛇起陸雲。雨濕晚筵紅袖勸傾盃。公榮坐遠酌不及。章臺柳色未知秋。折與行人鞭紫騮。金城手種亦如此。今日搖落令人愁。雙飛鴛鴦一朝雙。春鉏欲匹畏白鷗。風標公子誠自多。波淨月明如鷗何。

次韻子真會靈源廟池亭

元豐元年  
北京作

繫馬著堤柳。置酒臨魏城。人賢心故樂。地曠眼爲明。十年風煙散。邂逅集此亭。悲歎更世故。談話及平生。折腰督郵前。勉強不見情。世味曾淡薄。心源留粹精。晴雲有高意。闕水無湍聲。誰言王安豐。定識阮東平。

幾復讀莊子戲贈

治平三年  
年作

蜩化槍榆枋。鵬化搏扶搖。大椿萬歲壽。蕞英不重朝。有待於無待。定非各逍遙。譬如宿春糧。所詣豈得遼。漆園槁項翁。聞風獨參寥。物情本不齊。顯者桀與堯。烈風號萬竅。雜然吹籟簫。聲隨器形異。安可一律調。何嘗用吾私。總領使同條。惜哉向郭誤。斯文晚未昭。胡不弃影事。直以神理超。木資不才生。雁得不才死。投身死生中。未可優劣比。深藏無所用。一寓不得已。逍遙同我誰。歲莫於吾子。

次韻坦夫見惠長句

熙寧二年  
葉縣作

温風撩人隨處去。欲如羶羊蟻旋慕。落英馬前高下飛。牽挽一作引挽忽與樽酒遇。令行如水萬夫長。傾蓋不

減平生故。素衣成緇面黧黑。笑說塵沙工點汗。王事賢勞尙有詩。自卷溪藤染霜兔。桃李清陰坐未移。走

送雄篇疲健步。張侯先不露文章。十年深深豹藏霧。歛來聽訟小棠陰。千里鳴絃舞韶護。我名最落諸人

後。頓使漂山由衆煦。伐木丁丁愧友聲。食莘呦呦懷野穀。谷陽舊壘一片春。勤我引領西南徠。遙知紅紫

能亂眼。錦衾作夢高唐賦。簡書留句四十里。夢魂明月識歸路。公才富比滄海宮。明珠珊瑚凡幾庫。惠連

冢上麥纖纖。予早與仲和遊。仲和才甚秀。喜公猶得春草句。明朝折柳作馬箠。想見杯盤咄嗟具。風光暫來不供翫。大似

橫塘過飛鷺。甕面浮蛆暖更多。氣味煩公卒調護。樹頭樹底勸提壺。南岡北岡教脫袴。春衣可著愜醉眠。

急觴催傳莫論數。

奉和慎思寺丞太康傳舍相逢并寄扶溝程太丞尉氏孫著作二十韻 元豐元年 北京作

扶亭大夫伯淳父平生執鞭所欣慕。蚤年學問多東南。形阻江山想神遇。阮籍臺邊有一人。愛歎非爲婚

姻故。民言令君明且清。玉壺寒冰不受污。我從王事驅傳馬。落日東走駭響兔。問知鄰境欲過之。簡書有

程嚴寸步。胸懷作惡無處說。天氣昏昏月含霧。故人如從空中落。通耳好鳥鳴韶護。野桃窈窕風剪拂。官

柳低昂春燠煦。政由人好景亦好。燒燭續書笑言聚。同懷兩賢孤此樂。無物可寫心傾僣。鄧侯詩成錦繡

段浣花屑玉邀我賦。今年病起疎酒盃。醉鄉荆棘歸無路。詩窮淨欲四壁立。奈何可當杜武庫。不似灞橋風雪中。半臂騎驢得佳句。濟時之才吾豈敢。樗櫟初無廊廟具。上車不落強顏耳。伏食官倉等雞鶩。只欲苦留公把酒。都幾千里勤督護。及得歸時穀雨餘。已剪輕衣換袍袴。春色衰從一片飛。況迺紛紛不知數。

次韻晉之五丈賞歷沙寺梨花

元豐元年  
北京作

沙頭十日春。當日誰手種。風飄香未改。雪壓枝自重。看花思食實。知味少人共。霜降百工休。把酒約寬縱。

答王道濟寺丞觀許道甯山水圖

元祐二年  
秘書省作

往逢醉許在長安。蠻溪大硯磨松煙。忽呼絹素翻硯水。久不下筆或經年。一日踏門撼門鈕。巾帽欹斜猶索酒。舉杯意氣欲翻盆。倒臥虛樽將八九。醉拈枯筆管墨色。勢若山崩不停手。數尺江山萬里遙。滿堂風物冷蕭蕭。山僧歸寺童子後。漁伯欲渡行人招。先君笑指溪上宅。鷓鴣白鷺如相識。許生再拜謝不能。迺是天機非筆力。自陳精力初未衰。八幅生絹作四時。蚤師李成最得意。十襲自藏人已知。貴人取去棄墻角。流落幾姓知今誰。大梁畫肆閱水墨。四圖宛然當物色。自言早過許史門。常賣一聲偶然得。雨雪泔泔滿寺庭。四圖冷落讓丹青。往來睥睨誰比數。十萬酬之觀者驚。客還次第閱春夏。坐見歲序寒崢嶸。王丞來觀歎唧唧。亦如我昔初見日。新詩雖黃多得實。信知君家有摩詰。我持此圖二十年。眼見綠髮皆華顛。

許生縮手入黃泉。衆史弄筆摩青天。君家枯松出老瞿。頗似破屏有骨骼。一時所棄願愛惜。不誣方將有人識。

分甯本云。按此詩前篇載外集二十二韻。而此篇比前多一韻。其間大同小異。恐前篇乃改定本。今照舊刻並錄之。

觀王熙叔唐本草書歌

少時草聖學鍾王。意氣欲齊韋與張。家藏古本數十百。千奇萬怪常搜索。今得君家一卷書。始覺辛勤總無益。移燈近前拭眼看。精神高秀非人力。北風古樹折巔崖。蒼煙寒藤掛絕壁。逸氣崢嶸馳萬馬。隻字千金不當價。想初槃礴落筆時。毫端已與心機化。主人知是希世奇。但見姓氏無標題。自非高閑懷素不能此。何必更辨當年誰。

擬古雜言 元豐元年  
北京作

雁雁隨春風。過鄉縣。煙雨昏。行不亂。同安樂。共憂患。雲重重。不相見。日昃 音迭日  
昃也 晡。下平湖。十五五依

黃蘆。得粒不啄。鳴相呼。新婦見雁懷征夫。上堂曳裙 謂上聲  
衣襟也。四拜啓阿姑。 一作下堂勞苦  
雁上堂問阿姑 人言雁寄書。審

能寄書無。阿姑語新婦。古來無此事。今安得此語。新婦祝雁好。自去勿學水中戀。涔魚寄汝尺素上。有書

塞北春寒用當襦。寄書與阿誰。我家蘇校尉。海上牧羊兒。爲言妾能事君母。勿負漢恩作降虜。

古豪俠行贈魏鄰幾

元豐元年  
北京作

翻翻魏公子。恐是信陵君。高義動衰俗。孤標對層雲。風吹棠棣花。一枝落夷門。俯仰少顏色。蕭蕭煙景昏。已朽朱亥骨。侯嬴無子孫。衆中氣軒昂。把臂輸肺肝。沃之紅鸚鵡。載以烏賀蘭。門前馬嘶急。我弟忽扣關。謂言家中落。逆旅有仁人。老母一解顏。萬金難報恩。琅玕迺未贈。交好如弟昆。

拘士笑大方

拘士笑大方。俗吏縛文律。當其擅私智。轍覆千里失。鳥飛與魚潛。明哲善因物。欣然領斯會。千百無十一。崩緤裝太阿。付鷗斬芻秣。風雨晦冥時。中夜鳴不歇。張公下世久。安得歎埋沒。齊王好吹竽。楚客善鼓瑟。衛婦新上車。戒御無笞服。教母滅竈突。徙薪始入室。三言至丁甯。於理蓋已密。主人皆笑之。迺在未適節。莊生亦有言。外物不可必。無地與揮斤。眷然思郢質。

擬古樂府長相思寄黃幾復

治平三年作

江南江北春水長。中有一人遙相望。字曰金蘭服衆芳。妙歌揚聲傾滿堂。滿堂動色不入耳。四海知音能有幾。惟予與汝交莫逆。心期那閒千萬里。欲憑綠水之雙魚。爲寄腹中之素書。溪回嶼轉恐迷路。夜半不

眠起躊躇。

古樂府白紵四時歌

桃李欲開

一作  
在時

風雨多。籠絃束管奈春何

一作關鏤管  
絃絕經過

風休雨靜花滿地

一作落花著  
地深一尺

時節去我如驚波

一作  
安用

風日更  
妍和

少年志願

一作燕  
燕作巢

不成就。日月星辰役昏晝

一作故年主  
人且恩舊

俟河之清未有期

一作及河之  
清八月來

斗酒聊為社

公壽。

其二

日晴桑葉

一作柔  
桑日長

綠宛宛。春蠶忽忽都成繭。繰車宛轉頭緒多。相思如此心亂何。少年志願

一作燕  
燕作巢

不成

就。故年主人且恩舊。及河之清八月來。斗酒聊為社公壽。

其三

絡緯驚秋鳴

一作草根  
風裏蟲

唧唧。美人停

一作  
張

燈中夜

一作  
夜半

織。回文中有白頭吟。人生難得相知心。少年志願

一作

燕燕  
作巢

不成就。故年主人且恩舊。及河之清八月來。斗酒聊為社公壽。

其四

北風降霜松柏彫。

一作天形慘澹

一作光景銷

一作山河夜半失故處

一作冰底

何地藏舟無動搖。

一作美人

贈我狐白

表。

少年志願

一作燕

不成

故年主人且恩舊。及河之清八月來。斗酒聊爲社公壽。

韓信

拾平三年元注

韓生高才跨一世。劉項存亡翻手耳。終然不忍負沛公。頗似從容得天意。成臯日夜望救兵。取齊自重身

已輕。躡足封王能早寤。豈恨涯陰食千戶。雖知天下有所歸。獨憐身與噲等齊。蒯通狂說不足據。方綱按精華作不可

陳豨孺子胡能爲。予嘗貰酒淮陰市。韓信廟前木十圍。千年事與浮雲去。想見留侯決是非。丈夫出身

佐明主。用舍行藏可

精華

自知功名邂逅軒

精華

天地萬事當觀失意時。

陰侯

精華無此題而前

韓生沈鷲非悍勇。笑出跨下良自重。滕公不斬世未知。蕭相自追王始用。成安書生自聖賢。左仁右聖。

精華

義作兵在咽。萬人背水亦書意。獨驅市井收萬全。功成廣武坐東向。人言將軍真漢將。兔死狗烹姑置之。此事已足千年垂。君不見丞相商君用秦國。平生趙良頭雪白。

分甯本云。按營注載蜀本云。韓生沈鷲非悍勇。傀身跨下真自重。滕公不斬人未知。蕭相自追王始用。從來儒者溺所聞。奇兵果斬成安君。功成千金購降虜。東面置說師廣武。軍前定策收萬全。燕齊爭下如風旋。雖云晚計大疏略。此事已足垂千年。君不見秦丞相衛公子。立法治秦薄如紙。法行投鼠不思器。乃是天資少恩爾。白頭故人一趙良。忠言過耳棄路傍。吾固知功名成敗不足據。直觀古人用心處。王直方立之云。元豐初山谷過下邳淮陰廟作。以示孫莘老。言其太過無含蓄。山谷然之。遂改今詩。

顏闔

治平三年作

顏闔無事人。躬耕自衣食。翩翩魯公子。要我從事役。軺軒來在門。駟馬先拱壁。出門應使者。隴上不謀國。心知誤將命。非敢憚行役。使人返錫命。戶庭空履跡。中隨衛侯書。起作太子客。誰能明吾心。君子蘧伯玉。

贈希孝

熙寧元年  
葉縣作

金玉雖滿堂。一去誰能守。石交千秋期。程嬰報杵臼。絲隨丹青染。變態非復舊。竹杖寒蒼蒼。草木黃落後。匏從曲沃來。管是汶陽有。土性本高明。天材更渾厚。華之成國器。實假匠伯手。木平非斧斤。是事公信否。



侯元功問講學之意

治平三年作。元功名蒙。政和六年爲中書侍郎。

金聲而玉振。從本用聖學。石師所未講。赤子有先覺。絲直則爲絃。可射可以樂。竹筍不成蘆。白珪元抱璞。

匏瓜不能匏。其裔猶爲匏。

音薄小瓜也。

土俗頗暖姝。西笑長安樂。革無五聲材。終然應宮角。木人得郢工。鼻端

乃可斲。

戲贈張叔甫

集句。熙寧元年萊縣作。

團扇復團扇。因風託方便。銜泥巢君屋。雙燕令人羨。張公子。時相見。張公一生江海客。文章獻納麒麟殿。文采風流今尙存。看君不合長貧賤。醉中往往愛逃禪。解道澄江靜如練。淮南百宗經行處。攜手落日回高宴。城上烏尾畢逋。塵沙立暝途。惟有摩泥珠。雲夢澤南州。更有赤須胡。與君歌一曲。長鋏歸來乎。出無車食無魚。不須聞此意。慘愴幸是元。無免破除脫。吾帽向君笑。有似山開萬里雲。論心何必先同調。河之水。去悠悠。將家就魚米。四海一扁舟。頭陀雲外多僧氣。直到湖南天盡頭。潭府邑中甚淳古。還如何遜在揚州。但得長年飽喫飯。苦無官況莫來休。

以右軍書數種贈邱十四 元豐三年  
太和作

邱郎氣如春景晴。風暄百果草木生。一作桃李之  
不巽自成 眼如霜鶴齒玉冰。擁書環坐愛窗明。松花泛硯摹真行。字

身藏穎秀勁清。問誰學之果蘭亭。我昔頗復喜墨卿。銀鈎蠶尾爛箱籬。贈君鋪案黏曲屏。小字莫作癡凍  
蠅。樂毅論勝遺教經。大字無過瘞鶴銘。官奴作草欺伯英。隨人作計終後人。自成一家始逼真。卿家小女  
名阿潛。眉目似翁有精神。試留此書他日學。往往不減衛夫人。

李君貺借示其祖西臺學士草聖并書帖一編二軸以詩還之

當時高蹈翰墨場。一作籍甚  
翰墨場 江南李氏洛下楊。一作天下最  
數沈與楊 二人歿後數來者。一作去後  
文在誰 西臺唯有一作  
天見 尙書郎

篆科草聖凡幾家。奄有漢魏跨兩唐。紙摹石鏤見髣髴。曾未得似君家藏。側釐數幅冰不及。字體欹傾墨  
猶濕。明窗棐几開卷看。坐客失牀皆起立。新春一聲雷未聞。一作曾未  
聞雷聲 何得一作  
事 龍蛇已驚蟄。仲將伯英無

後塵。一作縱橫渾  
脫若有神 邇來此公下筆親。一作意匠直  
與真宰親 使之一作  
公 早出見李衛。不獨右軍能逼人。枯林棲鴉滿僧院。

一作書家每  
欲焚筆硯 秀句爭傳兩京遍。一作詩就爭  
傳兩都遍 文工墨妙九原荒。伊洛氣象今淒涼。夜光入手愛不得。還君復入

古錦囊。此後臨池無筆法。時時夢到君書堂。

三至堂

元豐三年  
太和作

楊公父子孫。俱出文昌宮。朱轡與別駕。同最治民功。當年竹馬兒。市上白鬢翁。相語府門前。郎君有家風。築室俯飛鳥。我來歲仲冬。人煙空橘柚。梅蘂破榛叢。延客煮茶藥。使君語雍容。疇昔識二父。只今天柱峯。故開堂北門。突兀在眼中。千秋萬歲後。野人猶致恭。借問經始誰。開國華陰公。

玉照泉

玉照泉與瀟山之玉照峯相直。舅氏李公擇始坎石采□而名之。

仙人持玉照。留在瀟西峯。一往不返顧。塵痕廢磨礱。想當光溢匣。雲山疊萬重。有門冽寒泉。照影互相容。得名未覺晚。學士古人風。持節按九城。樂此水一鐘。稅車束上飯。談笑考百工。金瓶煮山腴。茗椀不暇攻。蘇侯亦靜者。疏鑿濟成功。排遣塵滓行。石奩清如空。能令水源濁。魚蝦來其中。生子歲月多。往往隱蛟龍。玉照不見影。盤柏蝸螺宮。一朝揭源去。枯瀆草蒙茸。

延壽寺僧小軒極蕭灑。予爲名曰林樂。取莊生所謂林樂而無形者。并爲賦詩。

元豐六年  
太和作

積雨靈香潤。晚風紅藥翻。盥手散經帙。烹茶洗睡昏。野僧甚淳古。養拙賁邱園。風懷交四境。蓬藿抵百椽。

山林阜壤歟。可爲知音言。而我與人樂。因之名此軒。孟夏姬萬物。正晝晦郊原。牆牆見牛羊。定知春筍繁。俄頃倒干戈。水攻仰翻盆。地中鳴鼓角。百萬薄懸門。部曲伏牀下。少定未寒暄。疾雷將雨電。破柱取蛟蜃。我初未知爾。宴坐漱靈根。諒知岑寂地。竟可安元元。

吉老許惠李北海石室碑以詩及之

元豐六年  
太和作

往時李北海。翰墨妙天下。石室蒼苔世未知。公獨得本今無價。肉字不肥藏兔鋒。郎官壁刊佳處同。願公倒篋邀持贈。免斷銀鈎輸蠹蟲。

吉老兩和示戲答

欲聘石室碑。小詩委庭下。頗似山陰寫道經。雖與羣鷺不當價。畫沙無地覓錐鋒。點勘永和書法同。人言外論殊不爾。勿持明冰照夏蟲。

題羅山人覽輝樓

元豐八年  
德平作

鳳凰山人開竹徑。樓成溪山深照映。眉間鬱鬱似陰功。壺中有丸續人命。勸君洗竹買梧桐。鳳何時來駕歸鴻。思齊大任政勤苦。來聽天子歌南風。

古風寄周元翁

三首 元豐六年太和作

周元翁。古人風誦書苦。作字工。尤有德。自琢礪。觀古人。怨慧聰。眼欲盲。耳欲聾。黃落後。期君同。

西禪聽戴道士彈琴

熙寧八年 北京作

靈宮蒼煙蔭老柏。風吹霜空月生魄。羣鳥得巢寒夜靜。市井收聲虛室白。少年抱琴爲予來。乃是天台桃源未歸客。危冠匡坐如無傍。弄絃鏗鏗燈燭光。誰言伯牙絕絃鍾期死。泰山峩峩水湯湯。春天百鳥語撩亂。風蕩楊花無畔岸。微霧愁猿抱山木。元冬孤鴻度雲漢。斧斤丁丁空谷樵。幽泉落澗夜蕭蕭。十二峰前巫峽雨。七八月後錢塘潮。孝子流離在中野。羈臣歸來哭亡社。空牀思婦感蟪蛄。莫年遺老依桑柘。人言此曲不堪聽。我憐醉解寫人情。悲歌浩歎絃欲斷。翻作恬淡雍容聲。五絃橫坐崑廊靜。薰風南天厚民性。人言帝力何有哉。鳳凰麒麟舞虞詠。我思五代如探湯。真人指揮定四方。昭陵仁心及蟲蟻。百蠻九譯胡天光。極知功高樂未稱。誰能持此獻樂正。賤臣疎遠安敢言。且欲空江寒灘靜。漁艇幽人知我心。悠悠更作嚴陵在釣臺。吾知之矣師且止。安得長竿入手來。

題安石榴雙葉

元豐五年 太和作

紅榴雙葉元自雙。誰能一朝使渠雙。如何陳張刳頸交。借兵相亡不餘力。有情著物抵死爭。誰能有形而無情。

絕句 元豐五年 太和作

春風一曲花十八。拚得百醉玉東西。露葉煙叢見紅藥。猶似舞餘和汗啼。

題虔州東禪圓照師新作御書閣 元豐四年 太和作

城東寶坊金翠重。道人修惠翦蒿蓬。一瓶一鉢三十年。瓊榭碧瓦上秋空。稻田磨衲擁黃髮。更築書閣諸天中。三后在天遺聖墨。百神受職扶琳宮。文思帝澤餘溫潤。雨露下國常年豐。章川貢川結襟帶。梅嶺桂嶺來朝宗。參旗斗柄略欄楯。清坐耳聞河漢風。道人飽參口掛壁。頗喜作詩如已公。家風秀句刻琬琰。邀我落筆何能工。安得雄文壓勝境。九原喚起杜陵翁。

送權羣孫承議歸宜春 元豐五年 太和作

宜春別駕鄉丈人。來假廬陵二千石。虛舟無事鷗與遊。良賈深藏客爭席。諸公鞭朴立威名。公獨愛民如父兄。諸公馭吏如束濕。公使人人得盡情。人情居官若郵傳。假守攝丞尤自便。憂念公家眉不開。誰能勤

民廢寢膳。贈行欲借筆如椽。公不肯留。鼓催船歸。到宜春。問春事。斑斑笋竿。巖破拳。虜侯爲邦用。詩禮府中無事多燕喜。看公談笑。面生春。更爲鄉園。藝桃李。

戲題

平生性拙觸事真。醉裏笑談多忤人。安得眼前只有清風與明月。美酒百船酬一春。

戊午夜宿寶石寺視寶石戲題

石形臥蒼牛。屬最古松陰。松風與溪月。相守歷古今。初無廊廟姿。又不能礎礎。呈文謝珉光。撫質愧球琳。金馬與碧雞。光是動照臨。圮橋授書老。陳倉雉時禽。是皆爲國器。不爾事陸沉。浮雲有儻來。得名豈其心。諒如曲轅社。長存斧斤尋。智士貽美諡。自珍非世琛。不材以爲寶。吾與汝同音。

戲題承天寺法堂前柏

元豐四年  
太和作

樹底蒲團禪老家。高僧倚坐日西斜。有人試問西來事。無處安排玉如意。方丈風旛動不同。不道風幡境亦空。開口已非無問處。高僧不語人歸去。

陳吉老縣丞同知命弟游青原。謁思禪師。予以簿領不得往。二公雨久不歸。戲作百家夜一首二十韻招之。

天高萬物肅。虛寂在川岑。肅此塵外軫。隨山上嶮嶽。列宿正參差。凝霜露衣襟。驚鳥縱橫去。孤猿擁條吟。不覩白日景。惟覩松柏陰。南州實炎德。看差香森沈。芳草亦未老。黃花如散金。中有冥寂士。上有嘉樹林。遺掛拂在壁。靡靡如面命。阿閣三重階。曠望何一作極。高深。能使高興盡。山水有清音。所在可遊盤。春醞時獻斟。元雲拖朱閣。小雨遂成霖。挾纒如懷冰。夕息憶重衾。瞽夫違盛觀。何用慰我心。孤燈暖幽幔。願言思所欽。良游常蹉跎。賤與老相尋。佳人殊未來。忽忘逝景侵。南榮戒其多。離思故難任。明月難暗投。聊欲投吾簪。

同吉老飲清平戲作集句

即普覺

飛蓋相追隨。攜手共行樂。我有一樽酒。聊厚不爲薄。珍木鬱蒼蒼。衆鳥欣有託。密竹使逕迷。初篁包綠籜。有淪與南岑。森森散雨足。萬物生光輝。夕陽暖平陸。蠶月觀時暇。振衣聊躑躅。沈迷簿領書。未嘗廢邱壑。王度日清夷。鎮俗在簡約。人生非金石。親友多零落。漆園有傲吏。君平獨寂寞。所願從之遊。逝者如可作。

效孔文舉贈柳聖功三首

元豐四年  
葉縣作

武庫五兵森森。名駒萬里駸駸。英風爽氣如林。讀書鑿井欲深。學道卻要無心。



其二

妙言玉質金相。學問日月悠長。良賈故要深藏。屈體下心堂堂。灰頭土面輝光。

其三

王良終日馳驅。曹商百乘從車。七芋鼓舞羣狙。學問聖處功夫。千古與我友俱。

藥名詩奉送楊十三子問省親清江

元豐五年  
太和作

楊侯齊比使君子。幕府從容理文史。府中無事吏蚤休。陟釐秋兔寫銀鉤。駝峰桂蠹樽酒綠。樽蒲黃昏喚  
燒燭。天南星移醉不歸。愛君清如寒水玉。葳蕤韭齋煮餅香。別筵君當歸故鄉。諸公爲子空青眼。天門東  
邊虛薦章。爲言同列當推轂。豈有妬婦反專房。射工含沙幸人過。水章獨搖能腐腸。山風轟轟虎須怒。千  
金之子戒垂堂。壽親頰如木丹色。胡麻炊飯玉爲漿。婆娑石上舞林影。付與一世專雌黃。寂寥吾意立奴  
會。可忍冬花不盡觴。春陰滿地膚生粟。琵琶催醉喧啄木。艷歌驚落梁上塵。桃葉桃根斷腸曲。高帆駕天  
衝水花。灣頭車風轉拖牙。飛廉吹盡別時雨。江愁新月夜明沙。

次韻舍弟喜雨

元豐六年  
太和作

時雨真成大有年。斯民溝壑救將然。□根肥□桑葉大。春壠未鋤蠶未眠。奔走風雨連曉色。起尋佳句寫

田峯李成六幅驟雨筆掛在東南樓閣前。

答何君表戴古家

元豐四年  
太和作

墨頭萬蟲地上行。大鈞鉅治之化生。反復生沒如車軫。直與歲月爲將迎。至人獨解諸物撻。鍊神含嚼太和精。不取造化相經營。三天入景遂飛昇。何郎少年毛骨清。天機純粹氣坦平。子有青簡當刊名。應知鍊修未易成。一世危脆無堅凝。外慕掩襲真氣零。朝花薄莫不能榮。琳官金書有丹經。胡不還魂游黃庭。何爲臨家惋枯形。使予丹元童子驚。

會稽竹箭爲靳春傳尉作

會稽竹箭天下聞。青嶺霜筍搖紫雲。金作僕姑如鳥翼。壯士持用橫三軍。邇來場師無遠慮。翦伐柔萌薦菹茹。人間禦武急難才。不得生民飽霜露。嘉瓜美果無他長。取升俎豆獻壺觴。奈何生與此等伍。大器小用良可傷。吾聞先王用人力。不足有餘無損益。碩人僕僕舞公庭。長詠國風三歎息。

還深父同年兄詩卷

元豐四年  
太和作

四體懶不佳。百蟲夜相煎。呼燈探床頭。忽得故人編。一哦肺渴滅。再讀頭風痊。清切如其人。石齒漱潺湲。園林秋郊靜。桃李春晝妍。雍容比與體。百物落眼前。仍仍愁時語。聽猿三峽船。梅黃雨撲地。水白雁橫天。

歎息夜渠央。屋角月上絃。把卷著牀頭。我知其人賢。昨日河間令。橫胥不顧錢。如臂使十指。從我伸與拳。淹留落閑處。坐研考二篇。更使有閒日。歌嘲拾蘭荃。何時造化手。端爲鑄龍泉。

次韻答宗汝爲初夏見寄

元豐六年  
太和作

官蛙無時休。不知憂復樂。夕暉半規黃。冉冉納莫壑。烏棲松隕花。風下竹解籜。南箕與北斗。磊磊貫纓絡。懷我隣邦友。賢義本不薄。箕斗常相望。江含霧冥漠。忽烹雙鯉魚。中有初夏作。詩詞清照眼。明月麗珠箔。間出句爛奇。芙渠依綠蕩。雄辨簡色空。韓廬逐東郭。終篇談不二。自脫世纏縛。此道久陸沉。喜公勤博約。盈籠惠石芝。烏皮剝猿猱。野人烹嘉蔬。回首葵萋惡。勸鹽殊未工。追呼聯纏索。聞君欲課最。豈有不龜藥。我民六萬戶。過半客棲泊。棘端可沐猴。且願觀其削。官符晝夜下。朝播責莫穫。射利者誰其。登隴彎繁弱。昨聞數邦貢。曲禮賦三錯。恭惟廊廟上。獻納及新瘼。繡衣城南來。免冠謝公忤。歸乘下澤車。絕意麒麟閣。田園蒙帝力。仰以萬壽酢。公材橫太阿。越砥斂霜鏑。智囊無遺漏。膽量包空廓。行當治狀聞。雄飛上碧落。我材甚不長。有地愧槃礴。平陸非距心。滕薛困公綽。看人取卿相。忘意亦饒嚼。終不作湘壘。憔悴吟杜若。一心思傾寫。何時叩局鑰。

答周德夫見寄

自我官東南。久無西北書。周郎縱橫才。歎唾落明珠。寄聲相勞苦。敦厚不忘初。窮山江莽蒼。胷次亦寬舒。念君懷白璧。故作衲褐趨。秋官方按斂。不與計吏俱。驚嗟相見晚。天子識嚴徐。想當蒐逸民。耕釣起海隅。鶴翎需啄抱。龜尾且泥塗。功名好采來。五白成一呼。小人邱壑心。日月半謝除。何時真得歸。猿鳥爲先驅。投身嬰世故。葛蔓恐難圖。相思欲寫寄。滴盡玉蟾蜍。

招隱寄李元中

元豐四年太和  
作元中名冲元

吾聞李元中。學爲古人青。出藍眉目之間。如太華一段翠氣。連終南。我欲從之路。阻長。朱顏日夜驚波往。蒼梧玉瑀生蛛網。老翁忘味傾心賞。眼前記一不識十。谷中白駒闕音響。灊山南閒臥青牛。萬壑松聲不得游。願君爲阿閣之紫鳳。莫作江湖之白鷗。

送晁道夫叔姪

元豐五年時公  
到太和已二載

晁氏出西鄂。世家多藝文。文莊和鼎寶。尙書亦大門。簡編自襍俶。簪笏到初昆。向來映軒冕。頗據要路津。恩勤均骨肉。四海一堯民。無咎晚相見。實惟諸晁孫。智囊似內史。筆力窺漆一作文園。詞林少根蒂。斯人今絕倫。我爲折腰吏。綠綺網蛛塵。傾心得僚友。燕及眷令原。嘉肴味同和。絃誦聲相聞。如人逃空虛。見似已

解顏何況金石交。迺其骨肉親。二年吟楓葉。忘我木索勤。行行不忍別。其醉古柳根。樽前猶講學。夏夜衆星繁。念當侍白髮。甘旨共蘭蓀。帆檣灑風雨。浪波出蛟鼉。持一作侍親慎一作值行李。強學加飯飧。革囊走官郵。寄書遠相存。阿四去大農。六典與討論。君到輦轂下。爲問平生言。儻登鄴王臺。多話歸參軍。

戲贈潘供奉 歸甯四年 樂縣作

潘郎小時如白玉。上學覓歸如杜鵑。當年屢過乃翁家。沽酒煮蟹不論錢。大梁相逢初不識。黃塵漬面催挽船。不如去作萬騎將。黑頭日致青雲上。

次韻惜范生

范侯軀幹小。實有四海心。稍臞疑內熱。不見怒勇沉。沽玉市無價。汲泉井方深。得失有毫末。明年斧可尋。

和冕仲觀試進士 元祐二年 誠書省作

人圍廟垣重。鼓作宮漏曉。晨門傳放鑰。盆入荒庭杪。初如求木猿。稍若安巢鳥。黃鐘答拜辱。月淡秋天杳。發題疏疑經。按劍或驚矯。官曹嚴坐起。迺卒禁紛擾。僂趨蟻爭邱。癡坐鷺窺沼。江淮有名輩。專場或孤鶩。

袖手深槃礴。乞靈頗環繞。稚旄半父子。相面多中表。鴻將雁行口。牛舐快犢小。墨泓醜寒雲。筆尾撼叢篠。雕蟲寄鼻詠。攘略傾耳剽。剖蚌得珠難。揚沙見金少。遺形歆冠屨。忘味奔响麩。雖揮魯陽戈。餘勇事未了。喧闐遂一空。星河明木杪。

山谷詩外集補卷第三

漁父二首

熙寧元年  
葉縣作

秋風浙浙蒼葭老。波浪悠悠白鬢翁。范子幾年思狡兔。呂公何處兆非熊。天寒兩岸識漁火。日落幾家收釣筒。不因田租與王役。一船妻子樂無窮。

其二

草草生涯事不多。短船身外豈知他。兼葭浩蕩雙蓬鬢。風雨飄零一釣蓑。春鮪出潛留客鱸。秋蕖遮岸和兒歌。莫言野父無分別。解笑沈江指汨羅。

古漁父

窮秋漫漫兼葭雨。短褐休休白髮翁。范子歸來思狡兔。呂公何意兆非熊。漁收亥日妻到市。醉臥水痕船信風。四海租庸人草草。太平長在碧波中。

題楊道人默軒

崇寧二年  
戎州作

炙手權門烈火炎。冷溪寒谷及幽潛。輕塵不動琴橫膝。萬籟無聲月入簾。秋後絲錢誰數得。春餘蒼竹自

知添客星異日乘槎去。會訪成都人姓嚴。

用幾復韻題伯氏思堂

伯平三年作

夫子勤於蘧伯玉。洗心觀道得靈龜。開門擇友盡三益。階坐不言行四時。風與蛛絲遊碧落。日將槐影下隆墀。天空地迥何處覺。歲計有餘心自知。

贈別幾復

風驚鹿散豫章城。邂逅相逢食楚苹。佳友在門忘燕寢。故人發藥見平生。只今滿坐且樽酒。後夜此堂還月明。契闊愁思已知處。西山影落莫江清。

趙令許載酒見過

熙寧元年葉縣作

玉馬何時破紫苔。南溪水滿綠徘徊。買魚斫鱠須論網。撲杏供盤不數枚。廣漢威名知訟少。平原樽俎費詩催。草元寂寂下簾幙。稍得閑時公合來。

和答趙令同前韻

人生政自無閑暇。忙裏偷閑得幾回。紫燕黃鸝驅日月。朱櫻紅杏落條枚。詩成稍覺嘉賓集。飲少先愁急板催。親遣小童鋤草徑。鳴騶早晚出城來。



趙令答詩約攜山妓見訪

晴波鵝鷓漾潭隈。能使遊人判不回。風入園林寒漠漠。日移宮殿影枚枚。未嘗綠蟻何妨撥。宿戒紅妝莫待催。缺月西南光景少。仍須挽一作取燭籠來。

謝趙令載酒

熙寧元年  
葉縣作

邂逅相將倒一壺。看朱成碧倩人扶。欲眠甚急須公去。能略陶潛醉後無。

次韻賞梅

安知宋玉在鄰牆。笑立春晴照粉光。淡薄似能知我意。幽閑元不為人芳。微風拂掠生春思。小雨廉纖洗暗妝。只恐濃葩委泥土。誰令解合返魂香。

次韻答李端叔

元豐二年  
太和作

喜接高談若飲冰。風騷清興坐來增。重尋伐木君何厚。欲賦驪駒我未能。山影北來浮匯澤。松行東望際鍾陵。相期爛醉西樓月。緩帶憑欄濯鬱蒸。

春近四絕句

熙寧二年  
葉縣作

閨後陽和臘裏回。濛濛小雨暗樓臺。柳條榆莢弄顏色。便恐入簾雙燕來。

其二

亭亭經雨壓塵沙。春近登臨意氣佳。更喜輕寒勒成雪。未春先放一城花。

其三

小雪晴沙不作泥。疎簾紅日弄朝暉。年華已伴梅梢晚。春色先從草際歸。

其四

梅英欲盡香無賴。草色才蘇綠未勻。苦竹空將歲寒節。又隨官柳到青春。

戲題葆真閣

熙寧元年  
葉縣作

眞常自在如來性。肯綮修持祇益勞。十二因緣無妙果。三千世界起秋毫。有心便醉聲聞酒。空手須磨般若刀。截斷衆流尋一句。不離兔角與龜毛。

戲贈惠南禪師

惠南卽江西老禪。號積翠菴。清隱亦在分甯。

佛子禪心若葦林。此門無古亦無今。庭前柏樹祖師意。竿上風幡仁者心。草木同霑甘露味。人天傾聽海潮音。胡牀默坐不須說。撥盡寒灰劫數深。

寄新茶與南禪師

熙寧元年  
葉縣作

筠焙熟香茶。能醫病眼花。因甘野夫食。聊寄法王家。石鉢收雲液。銅餅煮露華。一甌資舌本。吾欲問三車。

讀晉史

熙寧元年  
葉縣作

天下放元虛。誰知與道俱。唯餘范武子。乃是晉諸儒。

讀書呈幾復二首

治平三年作

身入羣經作蠹魚。斷編殘簡伴閑居。不隨當世師章句。頗識揚雄善讀書。

其二

得君真似指南車。杖策方圖問燕居。吾欲忘言觀道妙。六經俱是不完書。

阻水戲呈幾復二首

秋風落木秋天高。月入金樽動酒豪。過眼衰榮等昏曉。勿嗟遲速把心勞。

其二

月明遙夜見秋高。桂影依稀數兔豪。散髮行歌野田上。一樽可慰百年勞。

寄別說道

熙寧三年  
葉縣作

數行嘉樹紅張錦。一派春波綠潑油。回望江城見歸鳥。亂鳴雙櫓散輕鷗。柳條折贈經年別。蘆管吹成落日愁。雙鯉寄書難盡信。有情江水尙回流。

學許氏說文贈諸弟

治平四年  
北京作

六書章句苦支離。非復黃神太古時。鳥跡蟲紋皆有法。猶勝雙陸伴兒嬉。

李大夫招飲

元祐三年  
謫書省作

欲遣吟人對好山。莫天和雨醉憑欄。座中雲氣侵衣溼。砌下泉聲逼酒寒。紅燭圍碁生死急。清風揮麈笑談閑。更籌報盡不成起。車從厭厭夜已闌。

南康席上贈劉李二君

元豐三年改  
官太和作

伯倫酒德無人敵。太白詩名有古風。浪許薄才酬大雅。長愁小戶對洪鍾。月明如畫九江水。天靜無雲五老峯。此賞不疎真共喜。登臨歸興尙誰同。

問漁父 熙寧元年  
葉縣作

白髮丈人持竹竿，繫船留我坐柴關。偶然領會一談勝，落日使人思故山。

光山道中 治平四年  
赴葉縣作

客子空知行路難，中田耕者自高閑。柳條鶯囀清陰裏，楸樹蟬嘶翠帶間。夢幻百年隨逝水，勞歌一曲對青山。出門捧檄羞閑友，歸壽吾親得解顏。

過方城尋七叔祖舊題 元豐元年北京作 祖諱法字  
夢升終南陽主簿方城屬唐州

壯氣南山若可排，今爲野馬與塵埃。清談落筆一萬字，白眼舉觴三百盃。周鼎不酬康瓠價，豫章元是棟梁材。杳然揮涕方城路，冠蓋當年向此來。

早行 熙寧元年  
赴葉縣作

失枕驚先起，人家半夢中。聞雞憑早晏，占斗辨西東。澗溼知行露，衣單覺曉風。秋陽弄光影，忽吐半林紅。

新息渡淮 治平四年公是歲得宜葉縣新息  
屬蔡州渡淮乃自京回江南之路

京塵無處可軒眉。照面淮濱喜自知。風裏麥苗連地起。雨中楊樹帶煙垂。故林歸計嗟遲暮。久客平生厭別離。落日江南采蘋去。長歌柳惲洞庭詩。

初望淮山

風裘雪帽別家林。紫燕黃鸝已夏深。三釜古人干祿意。一年慈母望歸心。勞生逆旅何休息。病眼看山力不禁。想見夕陽三徑裏。亂蟬嘶罷柳陰陰。

宿廣惠寺

元豐七年  
赴德平作

鴉啼殘照下層城。僧舍初寒夜氣清。風亂竹枝垂地影。霜乾桐葉落堦聲。不遑將母傷今日。無以爲家笑此生。都下苦無書信到。數行歸鴈月邊橫。

初至葉縣

熙寧元年  
年作

白鶴去尋王子晉。真龍得慕沈諸梁。千年往事如飛鳥。一日傾愁對夕陽。遺老能名唐郡邑。斷碑猶是晉文章。浮雲不作苞桑計。只有荒山意緒長。

觀化十五首

井序。熙寧元年罷太  
平州後自荊州居家作

南山之役。偶得小詩一十五首。書示同懷。不及料簡銓次。夫物與我若有境。吾不見其邊。憂與樂相遇乎前。不知其所以然。此其物化歟。亦可以觀矣。故寄名曰觀化。

柳外花中百鳥喧。相媒相和隔春煙。黃昏寂寞無言語。恰似人歸鎖管絃。

其二

生涯蕭灑似吾廬。人在青山遠近居。泉響風搖蒼玉珮。月高雲插水晶梳。

其三

山回路轉水深深。欲問津頭谷鳥吟。隔岸野花隨意發。小蹊猶憶去年尋。

其四

風煙漠漠半陰晴。人道春歸不見形。嫩草已侵水面綠。平蕪還破燒痕青。

其五

一原風俗異衣裘。流落來從綿上州。未到清明先禁火。還依桑下繫千秋。

其六

故人去後絕朱絃。不報雙魚已隔年。鄰笛風飄月中起。碧雲爲我作愁天。

其七

事具王延壽千秋賦。

菰蒲短短未出水。渺渺春湖如凍雲。安得酒船三萬斛。棹歌長入白鷗羣。

其八

不知喜事在誰邊。風結燈花何太妍。恐是鄰家醅甕熟。竹渠今夜滴春泉。

其九

柳似羅敷十五餘。宮腰舞罷不勝扶。年年折在行人手。爲問春風管得無。

其十

紅羅步障三十里。憶得南溪躑躅花。馬上春風吹夢去。依稀人摘雨前茶。

其十一

竹笋初生黃犢角。蕨芽已作精華作新長小兒拳。試挑野菜炊香飯。便是江南二月天。

其十二

身入醉鄉如避秦。醒時塵事百端新。塞鴻過盡無家信。海燕歸來思故人。

其十三

身前身後與誰同。花落花開畢竟空。千里追尋兩蝸角。百年得意大槐宮。

其十四



淘沙邂逅得黃金。莫便沙中着意尋。指月向人人不會。清霄印在碧潭心。

其十五

花開歲歲復年年。病眼看花隔晚煙。春去明明紅紫落。清風明月是春前。

和答王世敬

熙寧八年  
北京作

文章年少氣如虹。肯愛閑曹一秃翁。絃上深知流水意。鼻端不怯運斤風。燕堂淡薄無歌舞。鮭菜清貧只韭蔥。慚愧伯鸞留步履。好賢應與孟光同。

朱道人下世

元豐六年  
太和作

桑戶居然同物化。青燈猶在讀書檠。身如陌上狂風過。心似夜來新月明。

陳氏園詠竹

熙寧四年  
葉縣作

不問主人來看竹。小溪風物似家林。春供饋婦幾番笋。夏與行人百畝陰。直氣雖衝雲漢上。高材終恐斧斤尋。截竿可舉北溟釣。欲贈溪翁誰姓任。

和裴仲謀雨中自石塘歸

熙寧二年  
葉縣作

裴友西來詠古風。驅馳萬象筆端空。尙將物色留分我。遠近青山煙雨中。

次韻裴尉過馬鞍山

青山如馬怒盤旋。錯認林花作錦韉。君不據鞍朝玉帝。豈宜長作市門仙。

題蘇才翁草書壁後

并序

才翁題保安寺云。寺前有古松。是數百年物。余嘗納涼其下。松今翦伐殆盡。因感以作詩。  
老松不得千年壽。何況高材傲世人。唯有草書三昧法。龍蛇夭矯鎖黃塵。

哀逝

熙寧三年  
葉縣作

玉堂岑寂網蜘蛛。那復晨粧覩阿姑。綠髮朱顏成異物。青天白日閉黃墟。人間近別難期信。地下相逢果有無。萬化途中能邂逅。可憐風燭不須臾。

迎酬甫夫婦

公之妹適陳望。  
酬甫其字也。

陳甥歸約柳青初。

一作飲  
屠蘇

麥隴纖纖忽可鉏。望子從來非一日。因人略不寄雙魚。園中鳥語勸沽酒。窗下

日長宜讀書。策馬得行休更秣。

一作遠嫁蕭  
威親髮白

已令僮稚割生芻。

一作平安行  
李莫徐徐

### 河舟晚飲呈陳說道

西風脫葉靜林柯。淺水扁舟閣半河。落日遊魚穿鏡面。中秋明月漲金波。由來白髮生無種。豈似青山保不磨。勝事只愁樽酒盡。莫言爭奈醉人何。

### 次韻任君官舍秋雨

牆根戢戢數蝸牛。雨長垣衣亭更幽。驚起歸鴻不成字。辭柯落葉最知秋。菊花莫恨開時晚。穀稔猶思晴後收。獨立搔頭人不解。南山用取一樽酬。

### 題樊侯廟二首

漢興豐沛開天下。故舊因依日月明。拔劍一卮戲下酒。剖符千戶舞陽城。鼓刀屠狗少時事。排闥諫君身後名。異日淮陰儻相見。安能鞅鞅似平生。

### 其二

門掩虛堂陰窈窕。風搖枯竹冷蕭蕭。邱虛餘意誰相問。豐沛英魂我欲招。野老無知惟卜歲。神巫何事苦吹簫。人歸里社黃雲莫。只有哀蟬伴寂寥。

題南寺王髯題名處

熙寧三年  
葉縣作

日華長在紅塵外。春色全歸綠樹中。花發鳥啼常走馬。故人不見酒樽空。

和答任仲微贈別

元豐五年  
太和作

任君洒墨即成詩。萬物生愁困品題。清似釣船聞夜雨。壯如軍壘動秋聲。寒花籬腳飄金鈿。新月天涯掛玉篋。更欲少留觀落筆。須判一飲醉如泥。

和仲謀夜中有感

熙寧二年  
葉縣作

紙窗驚吹玉蹀躞。竹砌碎撼金琅璫。蘭缸有泪風飄地。遙夜無人月上廊。愁思起如獨緒鬢。歸夢不到合懽牀。少年多事意易亂。詩律坎坎同寒螿。

睡起二首

熙寧三年葉縣作  
蒲城俠盜那以校見督時

簾幕陰陰不見人。日斜窗影弄遊塵。風和睡起鳥聲樂。天地無私花柳春。

古來志士願不辱。少在朝廷多在山。寄食生涯無定止。此心長到白雲間。

書睢陽事後

熙寧二年  
葉縣作

莫道睢陽覆我師。再興唐祚匪公誰。流離顛沛義不辱。去就死生心自知。政使賀蘭非長者。豈妨南八是男兒。乾坤震蕩風塵晦。愁絕宗臣陷賊時。一作時

漫書呈仲謀

熙寧二年  
葉縣作

漫來從宦著青衫。秣馬何嘗解轡銜。眼見人情如格五。心知外物等朝三。經時道上衝風雨。幾日樽前得笑談。賴有同僚慰羈旅。不然吾已過江南。

登南禪寺懷裴仲謀

茅亭風入葛衣輕。坐見山河表裏清。歸燕略無三月事。殘蟬猶占一枝鳴。天高秋樹葉公邑。日暮碧雲樊相城。別後寄詩能慰我。似逃空谷聽人聲。

次韻答任仲微

元豐五年  
太和作

邂逅相逢講世盟。諸任尊行各才名。交情吾子如棠棣。酒碗今秋對菊英。高論生風搖塵尾。新詩擲地作

金聲文章學問嗟予晚深信前賢畏後生。

夏日夢伯兄寄江南熙甯四年葉縣作

故園相見略雍容。睡起南窗日射紅。一作相攜猶聽隔溪春睡起開書見手封詩酒一言談笑隔。江山千里夢魂通。河天月暈魚分

子。柳葉風微鹿養茸。幾度白砂青影裏。審聽嘶馬自搯筇。一作白髮倚門愁絕處。可堪衣斷去時縫

同孫不憊過昆陽昆陽正屬葉縣即光武破王尋之地

田園恰恰值春忙。驅馬悠悠昆水陽。古廟藤蘿穿戶牖。斷碑風雨碎文章。真人寂寞神爲社。堅壘委蛇女採桑。拂帽村帘誇酒好。爲君聊解一瓢嘗。

按昆陽公自注云。今昆陽有水。俗號灰河。圖經乃以爲瓌河。予考之皆不然。正在昆陽城南。恐是昆水。地理志言昆水出南。露是乎。

寄頓二主簿時在縣界首部夫鑿石塘河

楊柳青青春向分。遙知河曲萬夫屯。侵星部曲隨金鼓。帶月旌旗宿渚壘。春插如雲聲洶洶。風埃成霧氣

昏昏已今訪問津頭路。行約青帘共一檣。

次韻答蒲元禮病起

暖律溫風何處饒。莫言先上綠楊條。梢頭紅糝杏花發。盡面蛆浮酒齊銷。吏事困人如縛虎。君詩入手似聞韶。直須扶病營春事。老味難將少壯調。

春祀分得葉公廟雙鳧觀

廟觀皆在葉縣

春將祠事出門扉。宮殿參差繚翠微。清曉風煙迷部曲。小蹊桃杏掛冠衣。葉公在昔真龍去。王令何時白鶴歸。糟粕相傳漫青史。獨懷千古對容徽。

戲招飲客解醒

熙寧四年葉縣作

破卯扶頭把一盃。燈前風味喚仍回。高陽社裏如相訪。不用閑攜惡客來。

不飲者爲惡客。見元次山集。

送陳氏女弟至石塘河

富貴常多覆族憂。賤貧骨肉不相收。獨乘舟去值花雨。寄得書來應麥秋。行李淮山三四驛。風波春水一雙鷗。人言離別懸難遣。今日眞成始欲愁。

戲贈頓二主簿不置酒

桐植客亭欣款曲

一作四海聲名習主簿

歌傾家釀勿徘徊

一作相逢未見酒樽開

百年中半夜分去。一歲無多春暫來。落日園林

須秉燭。能言桃李聽傳盃。紅疎綠暗明朝是。公事相過得幾回。

孫不愚引開元故事請為移春檻因而贈答

南陌東城處處春。不須移檻損天真。鬢毛欲白休辭飲。風雨無端只誤人。鳥語提壺元自好。酒狂驚俗未應嗔。稍尋綠樹為詩社。更藉殘紅作醉茵。

陳說道約日送菜把

熙寧三年葉縣作

南山疇昔從諸父。雨甲煙苗手自鋤。三徑就荒歸計拙。溷煩僚友送園蔬。

答和孔常父見寄

孔氏文章冠古今。君家兄弟况南金。為官落魄人誰問。從騎雍容獨見尋。旅館別時無宿酒。郵筒開處得新吟。黃山依舊寒相對。豈有愁思附七林。

按七條句。公自注云。傅子集古今事號七林。

來詩云。黃公山下官條冷。應有新吟續七哀。



次韻伯氏謝安石塘蓮花酒

花蘂芙蓉拍酒醕。浮蛆相亂菊英新。寒光欲漲紅螺面。爛醉從歌白鷺巾。行樂銜盃常有意。過門問字久無人。王孫欲遣雙壺到。如入醉鄉三月春。

題雙鳧觀

飄蕭閱世等虛舟。一作人世若虛舟歎息眼前無此流。滿地悲風盤翠竹。半叢寒日破紅榴。青山空在衣冠古。

一作不逐

市朝改

白鶴不歸

一作歸來

宮殿秋。王令平生樽酒地。千年萬歲想來游。

從陳季張求竹竿引水入廚

井邊分水過寒廳。斬竹南溪仗友生。來釀百壺春酒味。怒流三峽夜泉聲。能令官舍庖廚潔。未減君家風月清。揮斧直須輕放手。卻愁食實鳳凰驚。

呈王明復陳季張

倦客西來厭馬鞍。爲予休轡小長安。陳遵投轄情何厚。王粲登樓興未闌。雪壓羣山晴後白。月臨千里夜深寒。小留待我同歸去。洛下林中斫釣竿。

曉從任大夫。祖行過石橋。寄粹甫。

熙寧四年  
葉縣作。

令尹鳴騶過石橋。想君寒夢正飄搖。追思轉覺年來劇。亂似春風柳萬條。

飲南禪梅下戲題

熙寧三年  
葉縣作。

新春江上使星回。不爲離人寄早梅。愛惜幽香意如此。一樽豈是等閑來。

次韻邵之才將流民過懸帛嶺均田

熙寧四年  
葉縣作。

獨賢從事出荒城。下馬攜筇上石層。幽洞尋花疑阮肇。斷崖長嘯想孫登。欲超浮世掛冠絨。未決重雲撫劍棱。經雨曉煙寒索寞。順風樵叟震磅礴。山形春到添高秀。瀑溜冰消轉沸騰。行有流移攜襪屨。坐看憔悴拾薪蒸。素餐每愧斯民病。改作常爲法吏繩。官小責輕須自慰。得逢佳處幾人曾。

陳季張有蜀芙蓉長飲客至開輒剪去作詩戲之

剪花莫學韓中令。投轄惟聞陳孟公。客興不孤春竹葉。年華全屬拒霜叢。元亭盛迫三秋盡。青女摧殘一夜空。著意留連好風景。非君誰作主人翁。

再贈陳季張拒霜花二首

鼓盆莊叟賦情濃。天遣霜華慰此公。想見尙能迷蝶夢。移栽聞說自蠶叢。酒傾玉醴垂蓮盡。餽簇金盤下筯空。秉燭欄邊連夜飲。全藤折與賣花翁。

其二

倒著接羅吾素風。當時酩酊似山公。且看小檻新花藥。休泥他家晚菊叢。屢笑千金延客醉。解醒五斗爲君空。歡娛盡屬少年事。白髮欺人作老翁。

送杜子卿歸西淮

雪意涔涔滿而風。杜郎馬上若征鴻。樽前談笑我方惜。天外淮山誰與同。行望酒帘沾白蟻。醉吟詩句入丹楓。一時眞賞無人共。尙憶江南把釣翁。

雪中連日行役戲書簡同僚

簡書催出似驅雞。聞道饑寒滿屋啼。炙背宵眠楮柑火。嚼冰晨飯薩波齊。風如利劍穿狐腋。雪似流沙飲馬蹄。官小責輕聊自慰。猶勝擐甲去征西。

離汝寄張子

熙寧四年  
葉縣作

草枯木落晚淒淒。目斷黃塵聽馬嘶。想子重行分首處。荒涼巢父井亭西。

次韻元禮春懷十首

漸老春心不可言。亦如琴意在無絃。新花準擬千場醉。美酒經營一百船。

其二

審心分付酒盃銷。勿爲浮雲妄動搖。試覓金張池館問。幾人能插侍中貂。

其三

故園春色常年早。紅紫知他破幾苞。壓帽花枝如可折。折花手版直須拋。

其四

久無長者回車轍。仲蔚門牆映野蒿。稍覺春衣生蟻蝨。南窗晴日照爬搔。

其五

春來問字有誰過。頗覺閑銷日月多。醉裏乾坤知酒聖。貧中風物似詩魔。

其六

春風也似江南早。梅與辛夷鬪著花。自是無言桃李晚。莫噴榆柳更萌芽。

其七

穿花蹴踏千秋索。挑菜嬉遊二月晴。已被風光催我老。懶隨兒輩遠春城。

來詩有春  
晚之嘆

其八

老杜當年鬢髮華。尙言春到酒須賒。不堪詩思相料理。惱亂街頭賣酒家。

其九

冉冉光陰花柳場。紅飄紫落便鶯黃。都無畔岸隨風去。卻是游絲意思長。

其十

問道隣家有酒餅。三更不臥叩柴扃。我身便是鷓夷榼。肯學離騷要獨醒。

按公送蒲元禮南歸詩。有三年棄公城之句。又云。吾師李武昌。金聲而玉德。蓋元禮居蘄州。以史考之。公擢自滑復職。知鄂州耳。

再和元禮春懷十首

并序

元禮蒲君。成都之佳少年。風調清越。好狎使酒。頃嘗下三峽。窺九疑。探禹穴。觀濤江。故其詩清壯。翻奇一揮毫。數千字。凜雪塵翳。動搖人心。然錢塘江。東一都會。風煙花月。不知其幾坊。幾曲。變否一作。恍惚使少年心醉而忘反。元禮蓋入其鄉。啗其炙者也。今已折節自苦。恂恂退避。從容學問。

文章。然時時酒後耳熱。稍出其故態。而又激於聲詩。夫不塞不流。不止不行。此物之情也。故極道。

狹邪游冶之樂。江湖契闊之愁。至蕭然疲役。不可支持。乃反之以正云。  
回腸無奈別愁煎。待得鸞膠續斷絃。最憶錢塘風物苦。西湖月落採菱船。

其二

吳中風物最嬌饒。百里春風酒旆搖。往往貴人留騎從。少年叢裏貫金貂。

其三

行雲行雨迷三峽。歸鳳求凰振九苞。月白花紅傾酒滿。不將春色等閑拋。

其四

紅紫欲疎啼百勞。洞宮春色醉蟠桃。虛窗酒病扶頭起。強取金釵癢處搔。

其五

抹莫入切裙彩鳳盤宮錦。插鬢真珠絡貝多。酒惡花愁夢多魘。靈砂犀角費頻魔。  
一作磨

其六

玉壺耽耽音僧。浸晴霞。庭有三春接續花。準擬只無難白髮。金爐誰爲煮黃芽。

其七

雨餘花色倍鮮明。最是春深多晚晴。美酒壯人如敵國。千金一笑買傾城。

其八

風光瑛瑛動春華。回首煙波萬里賒。山似翠屏西子國。溪如罨畫越王家。

其九

雙盤錦帶丁香結。窄袖春衫甘草黃。舊贈恐能開寶匣。新年時候夢殘妝。

其十

滯夢停愁亂性靈。安眠滅念閉幽扃。體中忽覺有佳處。讀易一篇如酒醒。

次韻奉和仲謨夜話唐史

熙寧四年  
葉縣作

貞觀規模誠遠大。開元宗社半存亡。才聞冠蓋遊西蜀。又見干戈暗洛陽。哲婦乘時傾嫡后。大闢當國定儲皇。傷心不忍前朝事。願作元龜獻未央。

書舞陽西寺舊題處

并序 熙寧  
二年葉縣作

己酉二月。按鬪死者於舞陽。授館在縣西浮圖。食罷解衣盤礴。壁間得往歲書。思拂塵落筆之時。觀者左右。便似數百年事。信今夢中強記昔夢耳。新物代故物。如十指相爲倚伏。抵掌而談。縮手

入袖遂成前塵。造形乃悟，已非其會。矢貫其首，坊且睨引弓者誰。故古人嘗眇萬物以爲言，以謂樞始得其環中，以應無窮。嗟乎！浩浩七年，其間興廢成壞，所更多矣。自其究竟言之，誰廢誰興，誰成誰壞，非見無我，非我無見。故曰：無所見，見去言以觀吾言。後當有知言者。

飲李氏園三首

元豐元年  
北京作

小摘來禽興未厭。蔬畦經雨綠纖纖。坐分紫石蒲萄下，不怕龍須膏帽簷。

其二

日莫涼風特特來。醉呼紅燭更傳杯。歌闌興盡須歸去，不用繁蟬抵死催。

其三

手按紅杏醉繁香。回首春前夢一場。便與經營百船酒，再來應是菊花黃。

宿黃山

熙寧四年  
葉縣作

平時遊此每雍容。掩袂今來對晚風。白首同歸人不見，黃山依舊月明中。

題季張竹林村



百畝清陰十萬竿。一溪流水四圍山。太平無用經綸者。乞與閑身向此閑。

次韻答邵之才

文章真向古人疎。聊有孤懷與世殊。陋質不堪華袞贈。可能薏苡似明珠。

呈李卿

歌舞如雲四散飛。東園籃輿醉歸時。細看春色低紅燭。仰折花枝墜接羅。仙李回風轉長袖。野桃侵雨浸燕脂。夜長晝短知行樂。不負君家樂府詩。

六月閔雨

熙寧七年  
北京作

湯帝咨嗟懲六事。漢庭災異劾三公。聖朝罪一恩寬大。時雨愆期旱蘊隆。東海得無冤死婦。南陽疑有臥雲龍。傳聞已減大官膳。肉食諸君合奏功。

既作閔雨詩。是夕遂澍雨。夜中喜不能寐。起作喜雨詩。

南風吹雨下田塍。田父伸眉願力耕。麩麥明年應解好。簾櫳今夜不勝清。直須洗盡焦枯意。不厭屢聞飄飄聲。黃卷腐儒何所用。惟將歌詠報昇平。

公益嘗茶

元豐元年  
北京作

子雲窗下草元經。寒雀爭喧戶。晝局好事應無攜。酒榼相過聊欲煮茶餅。

予既不得葉遂過洛濱醉遊累日

熙寧四年  
葉縣作

瘰民見我亦悠悠。瘰木累累滿道周。飛鳥已隨王令化。真龍甯爲葉公留。未能洗耳箕山去。且復吹笙洛浦遊。舍故趨新歸有分。令人何處欲藏舟。

雜詩

元豐二年  
北京作

迷情淡蕩不知津。老卻平生夢幻身。滿眼紛華心寂寞。長安市上酒家人。

曹村道中

元豐二年  
北京作

嘶馬蕭蕭蒼草黃。金天雲物弄微涼。瓜田餘蔓有荒墟。梨子壓枝鋪短牆。明月風煙如夢寐。平生新舊隔湖湘。行行秋興已孤絕。不忍更臨山夕陽。

漫書呈幾復二首

治平三年作

古人踽踽已先登。後學蕭蕭不再興。顧我尪羸君勉強。百年漂忽甚風燈。

其二

空名不繫身輕重。此道當如命廢興。髣髴古人前日事。解衣捫蝨對青燈。

其三

秋蟲振羽驚寒夢。河漢西斜夜獨興。欲罷不能呼子起。新涼宜近讀書燈。

留幾復飲

治平三年作

幾復平生好。能來屈馬蹄。愈風觀草檄。刮膜受金篦。藏器時難得。忘言物已齊。買書聊教子。讓粟不謀妻。碧草迷寒夢。丹楓落故溪。爾時千里恨。且願醉如泥。

再留幾復

客與敝鶉衣。囊金罄衰蹄。羸驂多斷轡。垢髮不勝篦。道德千年事。窮通一理齊。晚田猶溉種。穉子且歸妻。徑欲眠漳浦。幾成訪剡溪。鄙心須澡雪。蓮藕在淤泥。

謝陳正字送荔支三首

元豐四年  
太和作

十年梨棗雪中看。想見江城荔子丹。贈我甘酸三百顆。稍知身作近南官。

其二

齋餘睡思生湯餅。紅顆分甘愜下茶。如夢泊船甘柘雨。芭蕉林裏有人家。

其三

橄欖灣南遠歸客。煩將嘉果送蓬門。紅衣襍積蠻煙潤。白曬丁香之子孫。

